

24

7

9

陸木氏
藏書

新編排韻增廣事類氏族大全

一送

一米附

佐力木哲
遺書寄贈之印
慶應義塾圖書館

辛集

貢

官音

廣平

端木賜子貢之後以王父字為氏

彈冠

貢禹字少翁以明經潔行著聞徵為博士為河南令以賤事為府官所責免冠謝禹曰冠一免安可復冠遂去與王吉相友善世言王陽在位貢禹彈冠言取舍同也 遷光祿大夫詔曰生有伯夷之廉史魚之直 漢元帝朝為御史大夫數上書言得失上嘉納之

錫貢

鄉貢

九貢

仲

官音

中山

高辛氏才子仲堪之後以王父字為

氏

又湯左相
仲虺

負米

仲由字子路在孔門政事科 嘗見於夫子曰家貧親老不擇
祿而仕昔由也常食藜藿之食為親負米百里之外親歿之後
南遊於楚從車千乘積粟万鍾累茵而坐列鼎而食雖欲為親
負米不可得也

○仲光洪初元中西羌入寇遣右扶風仲光等擊之

○仲杲仕東晉為尚書

○仲子陵蜀人習禮自名其家 奉賢良仕唐為常侍

○管仲 伯仲 晏平仲

女德

○仲杲之女見釋書有比立尼問講師而建尼寺

宋

宮音 京兆

周武王封殷後於宋其後以國為氏

華山冠

宋鉞齊宣王時人莊子末章叙天下之治方術者多矣宋鉞尹

文聞其風而說之作為華山之冠以自表

九辯

宋玉師事屈原為楚大夫 作九辯悲屈原也 作神女高唐

二賦皆寓言托具有所諷也

清行

宋弘字仲子威容德器群臣莫及時帝姊湖陽公主新寡帝引
弘曰諛言富易交貴易妻人情乎弘曰糟糠之妻不下堂貧賤
之交不可忘 漢建武中為大司空以清行著聞 封宣平侯

去虎害

宋均字叔庠漢建武中為九江守郡多虎暴常募設檻穽而猶
多傷害均曰今為民害咎在殘吏其務退奸貪進忠善可一去
檻穽其後虎皆東遊渡江去 楚沛多蝗其飛至九江界者輒
東西散去 明帝朝拜尚書令

神父

宋登字叔陽少傳歐陽尚書教授數千人為汝陰令政令明
稱神父入為尚書僕射順帝以登明識禮樂使持節臨太李
奏定典律

人中龍

宋織有遠操居酒泉之南山酒泉太守馬岌造焉織拒不見岌
咲曰名可聞而身不可見德可仰而形不可觀今而後知先生
人中龍也銘詩於石壁曰丹崖百丈青壁萬尋奇木蒼鬱蔚若
鄧林其人如玉維國之琛室迹人遠實勞我心 謚玄虛先生

王佐才

宋弁字義和李冲曰此人一日千里王佐才也 魏孝文朝為
中書侍郎

郡獄生蒿

宋世良字元友魏孝莊拜為清河太守郡東有曲隄盜之所萃
世良施八條之制盜奔它境民謠曰曲隄雖險賊何益但有宋
公且屏迹 郡无一囚獄內繒生桃樹蓬蒿亦滿衙門虛寂謂
之神門 弟世軌

二絕

宋世軌仕魏為大理少卿執法寬平時蘇珍之為大理正明敏
能斷寺中語曰決定嫌疑蘇珍之視表見裏宋世軌時人以為
寺中二絕

忠清君

宋遊道少有氣節仕魏為殿中侍御史戒其子仕約仕慎仕素
曰吾執法大剛子孫不足師 兗州人為立生祠題曰忠清君
鉄石心腸

宋璟耿介有大節初居小官以所作梅花賦投蘇味道蘇稱之

自是知名皮日休云環貞姿勁質剛態毅狀疑有鉄石心腸不
解吐軟媚語觀其梅花賦清便富艷得南朝徐庾体殊不類其
為人 唐開元中与張說源乾曜同日拜相帝賦三傑詩自寫
以賜封廣平公 謚文正 五子 渾 恕 尚華 衡 皆
以貪敗 廣州十賢

三絕

宋令文工書富文辭有勇力號三絕 三子之問文章之梯躋
勇之慈精草隸世謂三子各得父之一絕

奪袍

宋之問字延清武后朝求為北門李士不許作明河篇以自見
云明河可望不可親願得乘槎一問津 后游洛南龍門詔從
臣賦詩左史東方虬先成賜錦袍之問俄頃成以獻后嗟賞奪
袍賜之 与張說等撰三教珠英 与沈佺期文成錦綉見沈

与韋維稱一臺二妙

与陳子昂等為方外十友

見盧藏用中

宗朝為修文館李士文藝傳

元和風俗

宋綬字公垂少聰警外祖楊徽之器愛之後以徽之遺恩召試
中書真宗竒其文久之再召試李士院授集賢校理時綬父臯
直集賢院父子同在館閣世以為榮 王旦曰刘筠宋綬晏殊
屬文有貞元元和風格 四入翰林 仁宗朝參大政 謚宣
獻 子敏求字次道知制誥六年与李大臨蘇頌相繼繳還詞
命世稱熙寧三舍人

編竹渡蟻

宋庠字公序初名郊仁宗命改今名少時与弟祁逢一異僧曰
小宋當魁天下大宋亦不失前名後十年大宋又遇之途僧曰
公已活数万命乎當為大魁庠自記云北堂蟻穴為大水所侵

編竹為橋以渡之必此也比唱名小宋第一章獻太后謂弟不可先兄命大宋第一小宋第十後並入翰苑葉清臣戲其更名公谷詩云紙尾勅二問姓名禁林依舊玷華纓莫驚書錄題臣向便是當時刘更生嘗奏事而衣帶寬誤墜文書于地不顧而行上呼内侍拾与之議者謂仁宗得人君休宋公得大臣体嘉祐中拜相封荅國公治平中封鄭國公 謚元憲

修唐書

宋祁字子京父玘為應山令夢人遺文選一部而生公故小字選郎 仁宗朝知成都帶唐書刊修垂簾燃二椽燭婢夾侍和墨伸紙人望之如神仙皆知其為修唐書也以翰林承旨召還寄梁相云粉署重來憶舊遊蟠桃開尽海山秋寧知不是神仙骨上到鰲山最上頭 謚景文

四卿堂

宋宜天聖中與陳侂藍承趙誠於泉州朱明院讀書後皆登科同時為列卿故郡有四卿堂

十賢堂

宋彥建昌人仙都觀十賢堂李觀陳彭年曾子固子開子宣王无咎呂南公宋京鄧伯溫宋彥也皆郡之先達

碎金

宋懋宗寄黃知命夔州五十詩知命谷云五十清詩是碎金試教擲地有餘音方今臺閣稱多士且傍江山好處吟

漁樵笛譜

宋自遜字謙父南昌人號壺山詞筆絕高嘗作驀山溪自述云壺山居士未老心先懶愛孝道家辦竹几蒲團茗椀青山可買小結屋三間開一徑俯清溪脩竹栽教滿 客來便請隨分家常飯若肯小留還更薄酒三盃兩盞吟詩度曲風月任招呼

身外事不相関自有天公管 有詞集名漁樵笛譜

○宋義知項梁必敗楚懷王以為上將軍號卿子冠軍

○宋昌為代王驂乘王即位夜拜為衛將軍領南北軍

○宋白淳化中与李至賈黃中呂蒙正蘇易簡同拜翰林扈蒙

詩云五鳳齊飛入翰林 白兩入翰苑凡二十年

○宋琪字叔宝宋太平興國中位參政与至道九老見李昉

女德婚姻

絳帳

宋氏韋逞母也家世以儒李称受周官音義符堅閱周官之李

久廢乃就宋氏家立講堂置生員百二十人隔絳紗帳授業號

文宣君

女孝士

宋廷芳五女長若莘次若昭若倫若憲若荀俱警慧善屬文莘

昭尤高蕙澤靚妝不願事人欲以孝名家若莘訓諸妹如嚴師

著女論語十篇以韋文宣君代孔子以曹大家等為顏冉 貞

元中李枹真表其才德宗召入禁中試文章并問經史大義帝

咨美留之宮中自是每与群臣屬和五人皆預人高其風操呼

之為孝士以若莘總領秘書歷憲敬穆二朝皆呼為先生后妃

諸王公主皆以師礼見 宝曆未若憲代司秘書

冰玉清潤

宋司馬女妻傅侯李白有送傳八之江南序云前許州司馬宋

公蘊冰清之姿重傅侯玉潤之德妻以其子鳳凰于飛潘陽之

好斯為睦矣

教子

宋氏白之族也適張氏親教督二子讀書客至輒於窓間聽之

客与二子論文奈政事則設肴饌或閑話諧謔則不設也 二

子奎亢後皆登第

蓬山不遠

宋初過御街逢內家車子有褰帷者曰小宋也初因作鷓鴣天一曲落句云刘郎已恨蓬山遠更隔蓬山千萬重其詞傳達禁中仁宗訪知呼小宋者後因与翰林語及小詞祈惶惧上白蓬山不遠遂以贈之

○宋輔有子幼孤旧友陳希亮以女妻之贍其母子終身

○宋臯娶楊氏女見楊氏

○宋玘娶外氏生大小宋

○屈宋 沈宋

(雍) 角音 京兆

○雍子楚人奔晉又人与之鄙以為謀主卷廿六

○雍齒漢祖封為什方侯諸將曰雍齒且侯吾屬無患矣

○雍陶唐詩人 見馮氏

(五寘)

(摯) 古諸侯國摯時之後

○摯恂京兆人漢末初中以儒術教授隱于南山不應徵聘名

重関西 馮歆傳 女妻馬融 見馬氏

○摯虞京兆人才李通博幸賢良 晉武帝詔賢良會東堂策

問虞對畢擢太子舍人 以漢末喪亂譜傳多失乃撰族姓

昭穆十卷奏之 歷任光祿勳大常卿

○摯峻字伯陵隱所山號所山居士所人為之立祠 高士傳

(季) 徵音 渤海 陸終氏之子季連之後一云魯桓公第四

子季友之後

宗卿

季友之孫行父謚文子 又子宿謚武子 又子紇謚悼子 又

又子意如謚平子又又子斯謚栢子又又子肥謚康子世為魯正卿 文子歷相三君無衣帛之妾無食粟之馬同語韓子聘魯宴于季氏有嘉樹焉韓宣子嘗之武子曰宿敢不封殖此樹以無忘用弓昭二

○金諾 季布楚人初事項羽 又滅洪高召拜郎中 後為河東守文帝

召欲以為御史大夫夫人言其使酒難近罷去 曹立生見之曰諺曰得黃金百斤不如季布一諾足下何以得此声於梁楚間哉 弟心為任俠氣蓋關中

宏詞

季南壽宋紹興中貢院言博季宏詞科有武進尉周麟之婺州教季南壽合格詔並与堂除

○季產字子喬仕燕為尚書 子績

○季績少有風節為中庶子並載記

○季無為唐人与鄭仁傑隱居大白山

○季錚字希声江西詩派中人見呂氏

○季陵宋建炎中為中書舍人

(知) 晉知氏之後知氏其先与中行氏同出於荀林父自

荀首始又分族称知氏

晋卿

知季謚莊子即荀首也莊子又知瑩謚武子又又子知盈謚悼子世為背上卿 悼子又知蹠謚文子為下軍佐文子又知瑤謚衮子是為知伯韓趙魏滅之三分其地

上書訟寃

知浹宋高宗朝人好直言岳飛以賓客待之飛下吏浹上書訟其寃秦檜怒併送獄

義

平原

義縱洪武時酷吏也居官以鷹擊為治為長安令直法行治不避貴戚為河內都尉道不拾遺為定襄太守郡中不寒而粟

(冀)

官音渤海

晉大夫卻芮食采於冀其後以為氏北

(利)

徵音

河南

漢有利幾利真源得道為真人

(賁)

宣城

洪應璩薦賁伯偉表云賁琳稟性純和宜任以列曹之職晉有賁嵩清操之士也

(八未)

(魏)

官音

鉅鹿

周文王子畢公高之後畢万晉封於魏子

孫以國為氏畢万子魏犢又子絳又子舒

又子成

金石之樂

魏絳晉悼公任為正卿言和戎有五利後鄭人獻女樂公以其半賜之絳於是始有金石之樂衰十一謚莊子

總領衆職

魏相字弱翁漢地節中拜相總領衆職甚稱上意與丙吉同心輔政視事九年薨封高平侯圖形麒麟閣

虎觀講經

魏應字君伯經明行修漢永平初為博士肅宗朝會諸儒於白虎觀講論五經同異上甚重之

宅相

魏舒字陽元少孤為外家甯氏所養甯氏起宅相宅者曰當出貴甥舒曰當為外氏成此宅相年四十對策外第入為尚書郎累迁為鍾毓長史毓與參佐射舒常為屈壽後令舒射容範閑雅發無不中幸坐愕然魏文帝深器重之每朝退目送之

曰魏舒堂 又人之領袖也 晉武朝拜司徒舒有威重德望祿賜散之九族家無餘財累表送章綬求退時論以三公辭榮善終未有如舒也 年八十二

三代遺直

魏徵字玄成唐貞觀初拜諫諍大夫上或引至卧内訪以天下事徵乃展几底蘊凡二百餘奏無不剴切當帝心上以列為屏幢欲朝夕見之上曰人言魏徵率止踈慢我視之更資嫵媚耳 唐柳芳以為三代遺直封鄭公謚文貞圖形凌煙四子叔玉叔琬叔璘叔瑜

薛魏

魏叔瑜善草隸以筆意傳其子華及甥薛稷世稱善書者前有虞褚後有薛魏

故笏

魏謩字申之徵五世孫文宗因讀貞觀政要詔訪徵後楊汝士薦謩為右拾遺起居舍人上問家書有存者乎對曰惟故笏在詔令上送鄭覃曰在人不在笏帝曰此笏乃今之甘棠 宣宗朝拜相議事天子前規諷讜切上曰謩名臣孫有祖風年八十六薨贈司空

畫錦

魏元忠宋州人為大孝生高宗召見目送之曰名不虛得真宰相也 聖曆中拜鳳閣侍郎 還鄉拜掃詔宰相諸司長官送於上東門上幸白馬寺送之賜錦袍一領銀一两制曰衣錦晝遊在乎茲日散金敷惠諒屬斯辰中宗復位拜中書令

遺直遺愛

魏知古方直有雅才唐先天初為侍中 既卒宋璟嘆曰叔向有遺直子產有遺愛兼之者其魏公乎 封梁國公

聰明尉

魏奉古初仕為雍丘尉九日公宴有客草序五百言奉古曰此日文也援筆倒疏之徐笑曰適覓記之耳由是知名時擬泣汴州召奉古前曰此聰明尉也

耐久朋

魏玄同字和初與裴炎締交善保終始時號耐久朋唐則天朝同鳳閣鸞臺一品

長者

魏仁溥字道濟周世宗朝同平章事趙祖即位進右僕射與鄭元昭有宿憾及大用以元昭典五郡人稱為長者 謚宣懿子咸信尚主

草堂居士

魏野字仲先居東郊架草堂有水竹之勝無貴賤皆白衣紗帽

見之世跨白馱號草堂居士 好彈琴賦詩其詩有云棋進難

饒客琴生却問兒 松風輕賜扇石井勝頌冰 洗硯魚吞墨

烹茶鶴避煙 宋太宗祀汾陰召之辭疾不至一日方教鶴舞

俄報中使至抱琴踰垣而走 以詩贊王文正云從前輔相皆

頻出獨在中書十五秋西祀東封俱了畢這回好伴赤松遊

寇萊公鎮洛三邀不至遂寫刺訪之仲先葛巾布袍長揖議論

騷雅相得甚懽曰盛判不復還留為山間室 與萊公同遊俠

郊僧寺後再到萊公詩用碧紗籠魏詩塵滿從行官妓以仲拂

之仲先云若得時將紅袖拂也應勝着碧紗籠 後與萊公詩

云好去上天辭將相却來平地作神仙 子閑亦不仕號清逸

居士詩話多載為仲先之號

八賢

魏瓘宋真宗朝知廣州以築子城有功再任五年有感懷詩云

羸又霜髮一衰翁蹤迹年來類斷蓬
万里遠辭双闕下一身長
在衆人中螭頭輪對恩魚厚雉堞論功事亦空
淮上有山歸未得獨揮清淚洒春風
又云人言嶺外無霜雪何事秋來亦滿頭
文潞公採其詩呈進加龍圖李士尹天府廣州八賢堂

見潘美

中興名將

魏勝字彥威少有勇力善騎射宋建炎初縣募弓弩手勝應募立大功官至武功大夫戰死於淮陰縣金人以金一兩易勝肉一兩与岳飛劉錡李顯忠為中興四將

間世真儒

魏了翁字華父宋慶元中進士第三人謝恩詩云聖皇李問富春秋當宇霄衣渴壯猷鶴立銀袍天北闕龍飛金榜殿西頭彤墀繆對三千字黃榜俄輸一二籌初李粗知存大体紛更要說洛陽羞公知紹興府詞云間世真儒斯民先竟以李問淵源

之遂為黼黻河漢之文甫晉陟於樞庭即宏開於督府該慶典加恩詞云進思尽忠憂國家而如渴退不失正付軒冕於儻來號鶴山在靖州創鶴山書院聚友讀書行法俟命端平中除樞相謚文靖

○魏顥亦犍子也為大夫敗秦師于輔氏勲銘景鍾

目語

○魏冉秦昭王母舅也出登相位富於王室封穰侯

曰大夫

○魏尚洪文朝為雲中守上功幕府一言不相應

考唐傳

○魏朗字少英黨錮八俊中人

○魏延蜀名將也封南郡侯

○魏滂求和修楔中人成五言詩一首

見王氏

○魏冰之家貧躬耕好客不倦仕晉為荊州刺史布衣時

不以貧賤為耻居顯位不以富貴驕人

○魏収字伯起折節讀書夏月坐板床隨樹陰諷誦以文章顯

素輕薄人目為驚蝴蝶 齊河清中拜右僕射

○魏谷倚北京三傑中人 見吳少微

○魏石至道九老中人

○魏京高安人宋天禧中第六人登第博李能文鄉里稱為魏夫子名所居坊曰儒榮坊

女德婚姻

貞節

魏氏樊彥琮妻也值徐敬業兵起聞其知音令鼓箏魏曰夫士不死而又逼我以管絃引刃斷指軍伍強妻之死焉

得婿

魏悅性沈厚有度量宣城公李孝伯見而重之以女妻焉後仕至濟陰太守以善政稱 北史

○魏溥娶房湛女幼有烈操有母儀法度能訓子 北史

○魏知古有雅才蘇氏有女十人以長女妻之 見蘇氏

魏仁溥娶李温玉之女

○丙魏 象魏問

費 羽音 江夏 商紂幸臣費仲之後

葛陂龍杖

費長房汝南人東漢時為市掾從壺公李仙後辭歸公与一竹杖曰騎此任所之既至可投之葛陂又為作一符曰以此主地上鬼神乘杖須臾來歸自謂去家旬日而已十餘年矣以杖投陂顧視則龍也遂能鞭笞百鬼驅使社公或一日之間人見其千里之外數處焉後失其符為衆鬼所殺

志慮忠純

費禕字文偉識悟過人仕蜀嘗使吳孫權曰君天下淑德必當股肱蜀朝出師表云依之偉允等此皆良實志慮忠純宮中之

事宜悉以咨之為尚書令 子承黃門郎

黃鶴樓

費文禕得道登仙駕黃鶴返憇鄂渚故有黃鶴樓張南軒記云樓以山得名唐闢經何自而為怪說也

○費貽蜀人公孫述徵之佯狂以避述亡仕至合浦太守

○費直東萊人治易長於卦筮

○費詩仕蜀以直言左迁 後蔣琬秉政以為諫議大夫

○費冠卿唐人登第母卒遂隱九華山不仕

○費孝先宋至和初嘗遊青城老人村壞其竹床欲償其直老人曰成敗有數何償焉遂授以易

○女德婚姻

○費氏蜀主之妃號花葉夫人能詩有宮詞云日午殿頭宣索鱸膾花催喚打魚人蜀亡歸宋 又祖令賦詩云十重鉄甲夜

城圍妾在深宮那得知四十万人齊解甲寧无一个是男兒
○費觀才識過人劉璋以女妻之璋母乃觀之族姑

○費

陸終之後 洪有貴迁為庐江太守

九御

茹

江表

○茹法亮仕齊為中書通事舍人勢傾天下

南史恩倖傳

○茹法珍齊東昏朝為制局監用事專國命

全前傳

○茹皓仕魏為驍騎將軍弟聘安豐王延明妹

北史

豫

○豫讓晉人事智伯漆身為癩吞炭為啞欲刺趙襄子為智伯

報仇襄子曰義士也

讓曰范中行氏以眾人遇我

又故眾

人報之智伯國士遇我

又故國士報之

史記

○豫且漁者也漁于泉陽牽網而得神龜白龍下清冷之淵化

為魚豫且射中其目龍上訴於天帝伍子胥曰龍天帝之貴

畜也豫且宗周之賤臣也

十遇

傳

商音

清河

穀相傳說築于傳巖因以為氏

作霖

傳說有賢德傳岩之下有水壤道常使胥靡築之說為胥靡代築以供食殷高宗夢得之用為相書云若濟巨川用汝作舟揖若歲大旱用汝作霖雨若作酒醴尔惟麴蘖若作和羹尔惟監梅莊子云說乘東維綺箕尾而比於列星

臺閣生風

傳玄字休奔晉武帝朝為司隸校尉每有奏劾或值日暮捧白簡整簪帶竦踊不寐坐而待旦貴游懾伏臺閣生風

癡兒了事

傳咸字長虞玄子也風格峻整晉惠朝楊駿秉政咸數侵之駿弟濟与咸善与之書曰每事欲了生子癡了官事官事未易了也為御史中丞

冰清玉白

傳渾仕晉為袞邑令江革頌云乃冰其清乃玉其白風抗其高雲垂其澤君有遺愛民有遺思

書簾

傳迪仕晉為右丞廣讀書不解其義劉柳云卿可謂書簾

傳聖

傳琰字季珪仕宋為永康令迁山陰二縣謂之傳聖父僧祐為山陰令有能名父子著績世傳諸傳有理縣譜子孫相傳不以示人子翺為吳令迁山陰令亦有能名

聰明李士

傳昭字茂遠袁覬曰此兒神情不凡必成佳器丹陽尹袁粲辟為郡主簿使諸子從之受李稱為聰明李士梁天監中為黃門侍郎兼御史中丞

臨水觀影

傳大士生傳宣慈家娶劉氏嵩頭陀命臨水觀影乃見圓光室蓋大士笑而悟梁天監中講經九鳳山下

天下士

傳霖少與張詠同李張顯達求霖三十年不得晚守宛立有被褐騎馱扣門大呼曰語尚書青州傳霖求見公曰傳先生天下士昔何隱今何出霖曰子將去矣來報子公曰詠亦知之後一月薨

校書

傳卞宋景祐中為國子博士與王陶趙彥若孫洙並任館閣編校書籍 治平中知諫院除宝文符制

金玉君子

傳堯俞字欽之十歲能文未冠及第宋元祐中拜中書侍郎

名重朝廷風節凜然大皇太后曰傳侍郎清直一節終始不變金玉君子也 司馬公曰清宜勇三德吾於欽之畏焉邵雍曰至清而不耀至直而不激至勇而能溫此為難尔 孟州濟源縣有別業作草堂坡有詩云微官其有田園具老罷方尋退隱 戶栽種成陰十年事倉皇求買万金无 謚獻簡 三老堂

劉摯

飲月

傳大詢字公謀宋詩人飲月云酒滿金樽月滿輪月沈輪影在金樽更深坐久詩喉渴一峯金樽和月吞 新霜云瓊宮青女妝初試錦幄佳人睡未知但見玉童呵手道破寒惟有酒相宜

死節

傳察字公晦堯俞猶子也生而秀穎好孝晨夕不解宋宣和中為接伴使時金人已渝盟境上遇金太子左右促使拜白刃如

林公曰死則死耳後燕由遇害 贈徽猷待制 謚忠肅 三子自強自得自修

至樂齋

傳自得少負文名三應博學宏詞科 尤衰序其文集云英偉蓋世之才超迈不群之器不能与世俯仰其文氣骨雄壯波瀾浩渺 有至樂齋文集淳熙中為宣城太守 二子伯壽伯誠 聯第 伯壽仕至樞密 伯誠仕至侍郎除集撰知建寧 ○傳寬洪祖定元功十八人位次寬第九 封陽陵侯 ○傳介子洪元鳳中使大宛斬樓蘭王 封義陽侯 ○傳喜字稚游哀帝朝丁傳二家驕侈喜獨謙退守節上賜黃金百斤以光祿大夫養病 封高武侯 ○傳俊字子衛洪雲臺二十八將中人封昆陽侯 ○傳毅字武仲漢章帝朝為蘭臺令史与班固賈逵共典校書

著詩賦頌誄連珠凡二十八篇 封明進侯

○傳緯七歲能讀古詩後仕陳為秘監掌詔誥為文典麗

○傳求字脩期有氣幹拳勇過人仕元魏拜中書博士帝曰上馬能擊賊下馬作露布惟傳脩期耳

○傳奕唐武德中為太史令上疏請除佛法蕭瑀不能詰如其奏 病不問醫自誌云傳奕青山白雲人也以醉死

○傳遊藝諳事武后一年歷衣青綠緋紫時謂四時仕宦

○傳忠孝仕唐為大史令以知星顯 見姜氏

○傳曦工文坡贈云窈眇文章宜和寡崢嶸肝肺亦交難

文德孺子

重侯累爵

傳昭儀父早卒母適鄒氏昭儀納洪元帝宮中得幸生定陶共王共王子欣是為哀帝由是丁傳之家重侯累爵

金石人

傳楫字元通嘗從李於陳袞又曰金石人也以其女妻之宋徽宗朝為中書舍人

○傳自得未成童時賦玉界尺詩語意警拔李公昉異之許妻以女見前

○傳咸穎異嚴氏見之曰此千里駒也以妹之女妻之見嚴氏

○傳察少秀穎趙清猷以女妻之

○傳侯娶宋司馬之女

○師傳 大傳 賢傳

顧

羽音

武陵

顧伯夏啟侯國也子孫以國為氏

琴書

顧雍字元歎從蔡伯喈李琴本以為伯喈所歎因以為字仕吳為相十九年孫權曰顧公在坐使人不樂其見憚如此 封

醴侯

長子邵

又子譚承

少子濟

又

子裕譚

字子默

弱冠與

諸葛恪為太子四友

後領尚書事

羽扇麾軍

顧榮字彥先吳平與陸機兄弟入洛肘號三俊拜尚本即廣陵相陳敏反假榮丹陽內史榮以白羽扇麾之其軍自潰因名麾扇渡楊脩詩云羽扇一揮風偃草策勲多謝顧丹陽 晉元帝以為散騎常侍 史臣云顧榮賀循等並南金赤箭世胄高門典憲資其刊緝帷幄行其謀猷

吾家麒麟

顧和字君孝總角便有清操族叔榮器之曰此吾家麒麟與吾宗者必此子也 周顛嘗指和心曰此中何所有徐蒼曰此中最是難測地顛稱之仕晉為尚書令

蒲柳弱質

顧悅之字君叔與晉簡文帝同年而髮白帝問之對曰松柏之姿經霜尤茂蒲柳之質望秋先零為尚本左丞

三絕

顧凱之字長康小字虎頭有才氣工畫而痴時稱其有三絕才絕昼絕痴絕也 每食苜蓿自尾至本云漸入佳境晉桓溫引為大司馬參軍父之悅

畫日垂簾

顧覲之字偉仁仕宋為山陰令御繁以約畫日垂簾門階閑寂 遷湘州刺史 謚簡子 孫憲之

顧建康

顧憲之字士思宋元徽中為建康令清儉強力都下飲酒而醇旨者號為顧建康言其清且美也 仕齊為衡陽內史王奐到郡哄曰顧衡陽之化至矣由是遷吏部郎中宋時祖覲之為吏部

部列植嘉樹曰 為憲之植耳至是果然

讀書堆

顧野王字希馮吳郡人七歲讀五經九歲能屬文天文地理卜筮蟲篆奇字无所不通 撰玉篇及輿地志 今秀州有顧亭湖野王讀書堆 仕梁歸陳為黃門侍郎

○顧况唐詩人白居易少時以詩投况 又戲曰長安物貴居大不易及見原上草篇曰有句如此居亦何難

○顧少連字夷仲初仕為登封主簿邑有虎暴少連移文岳神虎不為害唐貞元中權禮侍持笏擊奸 裴延齡也

○顧雲幼與杜荀鶴啟文圭同肄業九華山 又見羊昭業

○顧臨宋熙寧中以館職王存顧臨同編修經武要畧

文德雅相

○顧 娶張女妹濟尼曰顧家婦清心玉映自是閨房之秀

○顧歡字景怡隱天台山開館聚徒齊永明中徵為大孝博士不就見朱巽之有志節以女妻之南史隱逸傳

○顧協字正礼清介有志操仕梁為廷尉少聘舅息女及母亡免喪後不復娶年六十餘此女猶未他適協義而迎之卒以無嗣

○眷顧 三顧 顧譚 左顧 周即顧

喻 羽音 江夏

捫膝先生

喻汝礪字迪孺靖康初為祠部員外郎不附和議遂掛冠號捫膝先生 初自京師入見上命赴都堂与李綱語綱大奇之紹興九年召對首論願革文章骯髒之習还西京典雅鴻奧之風起中興博大混一之氣上嘉納之下所奏付中本後直秘閣

西洛淵源

喻樗宋紹興中趙鼎喜伊川之孝伊川門人皆進用曰桐庐喻樗真其人也薦除正字王居正行誥詞云頃窮西洛之淵源遂見古人之大体

忠義傳

喻良能字叔奇宋淳熙中為國子監簿進忠義傳起於戰國王蠟終於五代孫晟上下一十一百年所取一百九十八凡二十卷乞頒之武孝上曰忠臣義士誠可表厉風俗

去婦

喻氏張孝祥之妻也事舅姑不豫竟至此離孝祥作木蘭花寄之有玉簪中折覆水難收之句

○喻歸仕東晉撰西河記三卷

○喻希仕南齊議用釋奠先聖先師礼樂

○喻鳧謁杜紫微不遇曰我詩無綺羅鉛粉宜不售

路

商音 內黃

黃帝封其支子於路子孫以國為氏

截蒲

路溫舒東里人父為里監門使溫舒牧羊溫舒取澤中蒲截以為牒編用寫書 受春秋通大義孝廉為山邑丞遷廷尉史漢地節中上尚德緩刑一書 仕至臨淮太守

太液講書

路隋字南式唐穆宗朝為翰林李士與韋處厚撥六經粹要題為六經法言凡二十篇上之 與處厚入太液亭侍講又閔隹洪範 文宗朝同平章事

十年至相

路岩字魯瞻年少自監察入翰林崔鉉曰路十如今便入翰林如何到老不出長安城十年至宰相 唐咸通初同平章事時年三十六 後兼中書令

○路儵如事梁孝王侍遊於忘憂之館為鶴賦

○路邕仕元魏為魏郡太守涖政清勤出家粟賑貧與張恂宋

世景等同良吏傳 北史

○路去病仕北齊為侍御史與崔伯謙等同循吏傳 北史

○路嗣恭仕唐為蕭關令考績為天下最玄宗以為可嗣洪魯恭因賜名官至兵尚書 封冀國公

○路德延數歲能詩賦苜蓿云葉如斜界紙心似倒抽也

○路振宋淳化中登第時小錄用綾人謂之五金花帖後知制誥文詞溫麗有唐人風

○義路 季路 仕路

步

羽音 平陽

晉大夫步陽之先食采於步因氏焉

步叔乘字子車孔門弟子贈淳于伯贊云親炙避席唯諾趨隅

發微既博雅道是扶

種瓜

步騭字子山涇末避難江東與衛旌同年相善俱以種瓜自給共修刺奉瓜獻雋征荒坐騭旌於牖外以小盤飯食之旌不能食騭曰吾貧賤主人以貧賤遇之當何所耻 仕吳為中郎將後為丞相

○步協仕吳為抚軍尽忠於國通達治体

○步闡仕吳為西陵督後降晉

(度)

度尚字博平漢相帝朝除上虞長為政嚴峻發摘奸非吏民謂之神明曹娥投江尚怜而葬之命耶鄆子作碑 黨錮八厨中人 官至荊州刺史

(遇) 姓苑云東莞有遇氏 漢有遇冲為東莞太守

(十二零)

(衛) 羽音 河東

周文王子康叔封於衛子孫以國為氏

無他腸

衛綰醇謹漢文臨崩屬孝景 曰綰長者善遇之 景帝立以綰為廉忠無他腸 遷御史大夫拜為丞相

封侯骨

衛青字仲卿微時有一鉗徒相之曰貴人也當封侯 漢武朝凡七出擊匈奴立大功封長平侯益封八千七百戶三子伉不疑登皆封侯

一臺二妙

衛瓘字伯玉晉咸寧初加侍中時索靖為尚書郎俱善草書號一臺二妙子恒工草隸為四体書勢 恒子瑒玠

明珠照人

衛玠字叔寶風神秀異總角乘羊車入市見者以為玉人其舅
王濟嘆曰珠玉在側覓我形穢文曰與玠遊若明珠在側朗然
照人 王澄王玄王濟並有盛名世云王家三子不如衛家一
兒 好談玄理王澄每聞其言嘆息絕倒時語曰衛玠談道平
子絕倒 至建業人士觀者如堵年二十七卒時謂玠被人看
殺仕晉為太子洗馬

王麟符

衛玄字文昇仕魏為京兆尹文帝曰閔右之任一委於公乃賜
王麟符以代銅獸 北史

○衛宏字敬仲漢建武中從謝曼卿受詩學得風雅之旨

○衛臻字公振仕魏為吏部尚書文帝目之曰天下之珍

○衛旌為步騭俱以種於自給 詳步氏

○衛大經卓然高行遂於易人謂之易聖武后召之不就

○衛次公奉進士潘炎曰國器也 唐貞元中翰林李士

○衛太素宋景德二十四賢中人 見邊氏

女德婚姻

孝女

衛孝女絳州人字無忌父為衛長則所殺後從父延客長則在
坐無忌抵以斃殺之詣吏請就刑唐太宗特免其罪賜之田宅
以禮嫁之

五可

衛瑾女晉武帝將納為太子妃曰衛公女有五可種賢而多子
美而長白

水清玉潤

衛玠妻父樂廣有海內重名時以為婦翁水清女壻玉潤玠妻
先亡山簡見而重之曰戴叔鸞嫁女惟賢是尚不問貴賤况衛

氏權貴門戶令望之人乎於是以及女妻之

○衛少兒衛青之姊為平陽侯侍者與霍仲孺通生去病

○衛仲道娶蔡邕之女

○衛敬瑜娶姚玉京見姚氏按南史云衛瑜娶王整之姊瑜早

卒王氏截耳守志

○衛颯漢建武中為桂陽守下車修庠序之教設婚姻之禮甚

年民從其化

○精衛鳥武衛放虎自衛

(惠) 商音 扶風周惠王支孫以謚為姓

○漢有惠乘為交趾太守

(芮) 微音 平原周芮伯之後 芮伯字良夫作桑柔之詩

○芮強仕漢為鉅鹿太守

○芮燁宋人因賦牡丹詩忤秦檜得謫檜死再種牡丹韻云寧

令洪社稷變作莽乾坤 起為江西漕

○芮國器仕宋為祭酒諫孝宗用兵曰陛下為數女腥手錢所
作

○芮國瑞仕宋為桐川簿過倪僦曰與我遊者皆有歌詩然珠
王之賜不如藥石之贈公曰建平吏黠民奸子何以處之曰
以嚴馭吏以恕待民奉公以勤律身以儉交同僚以誠暇曰
讀吾所未見書以增其所未至公善之

(計) 京兆

○計然名研范蠡之師也蠡既雪會稽之耻嘆曰計然之策十
越用其五而得志今吾欲用之家乃之陶冶產致鉅萬為朱
公史記貨殖傳

○計氏張魏公母夫人也 計有功居魏公墓府紹興中遣詣
行在奏對獻所著晉鑑

薊

蒟黃

○薊子訓洪建安中人見在長安与一老翁摩挲銅人曰適見鑄此近五百歲矣時呼為薊先生方術傳

厲

角音 景陽

齊厲公之後 洪有厲温為魏郡大守封義陽侯其孫皓以孫秀奔魏改姓厲 洪有桂褒為揚州刺史 唐有桂仲武為永寧令

桂

天水

○洪有桂褒為揚州刺史 唐有桂仲武為永寧令

十四卷

蔡

徵音 濟陽

周文王子蔡叔度生子曰仲封蔡子孫以國為氏

金印紫綬

蔡澤燕人少時問相於唐舉 又曰先生曷鼻巨肩黧顏蹙膝摩手吾聞聖人不相殆先生乎澤曰富貴吾自有不知者壽耳幸曰從今以往四十三歲澤笑謂御者曰吾躍馬食肉懷金印結紫綬富貴四十二年足矣 為秦昭王相

儒宗

蔡義漢昭常召見說詩悅之後以為相封陽平侯 史云義以儒宗居相位坐持棊保位被譏

至孝

蔡順字君仲汝南人以至孝稱母噬指而心動伏母棺而火滅

棹朽藤王遇雷泣冢洪建武初太守韓崇召為東閣祭酒

焦尾琴

蔡邕字伯喈性至孝三世同居洪憲平中與楊賜奏定六經文字自書冊鐫碑立於太宰門外觀視摹寫者車乘一日千餘因避患往來吳會吳人有燒桐以爨者邕聞火烈之聲知其良材因請裁以為琴有美音其尾焦名焦尾琴 漢末董卓碎之署祭酒遷侍御史又遷侍書御史又遷尚書三日之間周歷三臺 所著詩賦碑銘書記等作凡百四篇傳於世 後以卓黨死獄中

蔡侯紙 出宦官傳

蔡倫字敬仲有才孝言自古書契多編以竹簡其用縑帛書者謂之紙縑倫始用樹膚麻頭敝布魚網為紙天下咸稱蔡侯紙今采陽縣北有漢黃門蔡倫宅 又西有石曰云是倫春紙曰也

洪和帝拜為中常侍元初中封龍亭侯

蔡克兒

蔡克字子尼山簡與王衍書曰子尼今之正人衍曰山子以一字拔人 子謨字道明嘗戲王導 又曰吾往與群賢游何曾聞有蔡克兒邪 晉康帝朝謨位司徒

宰相器

蔡齊字子思神色明秀鬚眉如晷宋祥符八年策進士上夜夢有菜一苗與殿基相高及齊為狀元上喜曰得人矣 試天下如置器賦有云安天下於覆盂其功可大上曰宰相器也 公喜飲賈存道上詩云聖君恩重龍頭選慈母年高鶴髮垂君寵母恩俱未報酒如成病悔何追公自是非賓客不對酒喜薦士如楊偕郭勸劉隨等皆為當世名臣 仁宗朝大拜謚文忠

江南夫子

蔡用之筠州人宋天禧中登策上萬言書上喜曰自朕有天下
奇才偉器未有如用之者出其文以示諸李士曰此江南夫子
也

三歲奇童

蔡伯禧一作伯倫宋真宗朝試童科對上誦書歲未二周故號
三歲神童賜詩云七閩山水多材俊三歲神童出盛時家世應
傳清白訓嬰兒自得老成資初能李步來朝闕方及能言解誦
詩更勵孜二圖進益青雲千里有前期 授校書郎春宮伴讀

四賢三諫詩

蔡襄字君謨文章清粹工小楷草書歐公以為獨步當世宋慶
曆初歐公王素張方平除諫官公作詩云御筆新除三諫官喧
傳朝野競相歡當年流落丹心在自古忠良得路難必有謀猷
裨帝右直須風采動朝端世間万事皆塵土留取功名久遠看

三人以詩薦于上未幾除公知諫院先是歐公范公余靖尹洙
坐貶公作四賢一不肖詩以記其事故王十朋詩云四賢詩出
人增氣三諫章成國有光 終端明殿李士

德政碑

蔡襄知福州時聘周希孟以經李授李者延見處士陳烈尊以
師礼而鄭穆陳襄方以德行著稱公皆折節下之 公去閩人
相率詣州請立德政碑 公嚴毅枝刻鎮福唐時陳烈往見而
不入謁留題津亭云溪山龍虎蟠六月夜衾寒殷勤囑舟子移
棹過前灘公見之少霽威 沈位八座 戡侍從搆樞師言敷
言諒詵六人俱登第皆公之諸孫也

藩邸舊人

蔡抗字子直宋嘉祐中中甲科英宗在藩邸深器重之即位召
對語之曰卿朕故人勿以常礼自踈也 除工侍

王闕人老

蔡挺字子正抗弟也宋仁宗朝從富弼使契丹久留邊作詞有
應念王闕人老之句 治平中召拜樞副 謚敏肅

無為居士

蔡諱字伯恭筠州人宋元祐間家居不仕築義力書院有志于
孝者給之以三十人為率 築圃植花木為遊憇所號無為居
士邑有訟不訴之官而決於諱有王烈之風年八十一子明發
紹聖中何昌榜及弟官至丞郎

東郭居士

蔡魯字子飛淹貫經史少為大孝生宋至和中丞相刘沆館之
以訓諸生欲以郊祀恩例官之不就而歸為南園植花木山谷
為作南園記有云孝問之澤不加於民而孝友睦於子弟文章
之振不華於身而輝光發於草木 於竹中作堂曰青玉據群

山之會作亭曰翠光困高作閣曰冠霞宴居之齋曰樂靜經行
之亭曰浩然所居類市隱揔其地曰南園自號東郭居士

三年博士

蔡肇字天啓長於歌詩為博士三年不迂因和人治字韻云先
生方古名何用博士三年冗不治 和秦少游詩云願同籍滌
輦終老韓公門 宋大觀末召除中書舍人張天齋薦之

○蔡千秋受榮廣春秋及詩以授劉向 洪宣朝給事中

○蔡勲好黃老王莽徵用之勲以不事二姓逃入山不仕

○蔡衍字孟喜少明經以礼讓化鄉里 洪八顧中人

○蔡裔有勇氣声若震雷有二盜入室裔撫床一呼二盜俱殞

晉啟浩率之

○蔡廓字子度宋廢帝以為吏尚書廓曰我不能為徐羨之書
楮也

○蔡凝字子居博涉經傳尤工草隸常端坐西齋自非名流罕
与交接 陳大建初除吏侍

○蔡允恭唐瀛洲十八孝士中人 見房氏

○蔡劔唐末仕至散騎常侍子郊為行營判官没王事

○蔡嶷宋崇寧中魁多士 初為大孝錄有李元亮者忽之後

公自給事中出臨和州先造元亮之館元亮作啓謝焉

○蔡元定字季通號西山晦庵門人也補晦庵禮書後卷

女德婚姻

辨琴

蔡琰字文姬邕女也小年能辨琴絃之斷初適衛仲道為胡騎
所獲在胡中二十年生二子曹操素与邕善遣使以金璧贖之
再嫁董祀二為屯田都尉犯法當刑文姬蓬首徒行詣操請罪
文辭清辨祀獲免操問汝家多書能識之否曰亡父賜書四千

餘卷罔有存者今所誦億才四百餘篇乞給紙筆真草唯命於
是繕寫送呈文无遺語

甘貧苦

蔡氏職方郎中蔡巽之女適刘道原 苦李家窶十月无寒
具蔡氏与 甘貧苦道原在庭悅親以孝蔡之助也 封安平
縣君

再婚

蔡興宗仕宋為尚本妻劉氏早卒一女幼外甥袁顓妻刘氏亦
死一子幼名彖顓母乃興宗之姊躬自抚養二幼欲為婚姻大
明初詔與宗以女与南平王敬猷為婚而彖亦他娶其後彖娶
不終敬猷遇害蔡氏无子彖居遂適彖

碧雞林

蔡襄娶葛常之祖姑清源君已而赴漳南幕常之曾祖通議贈

詩云藻恩曰傳青管夢哲科新試碧雞材在依仲室蓮花幕更下温郎王鏡臺

○蔡大室一女擇配見柳莊有遠量曰襄陽水鏡遂妻之

○蔡齊女妻刘庠 ○蔡子飛娶山谷之姑

○蔡天申娶張方平之女与王鞏為友婿

○蔡懋持正之子也為馮當世之壻

○蔡襄母有賢行仁宗特賜冠帔以寵之

○適蔡 下蔡 上蔡 見謝氏

賴 微音 穎川 春秋時有賴國其後以國為姓

○賴先仕洪為交趾太守

○賴仙芝宋紹聖間人坡詩序云正月二十四日与兒子過賴

仙芝王原同遊羅浮道院及西禪精舍

○賴好古宋紹興中奏事行在上曰布衣賴好古上書言虔賊

事頗有理趙鼎奏云大槩以招安為非

艾 商音 天水 齊大夫艾孔之後

○艾君岳州天岳山昔真人艾君居之石崖壁立有篆文

○艾穎宋乾德初上命擇廷臣穎中首選 以工侍致仕

○艾仲孺宋至道中兩浙運使刘文質入奏部內官有艾仲孺

高輔之李易直梅詢高貽慶姜嶼戚綸等八人有治迹並降

玺書褒諭

○艾預宋真宗朝赴鄉幸遇一村儒曰此行登第矣有書一卷

授君乃左傳第十冊曰宜熟此取富貴會李愚知幸試鑄鼎

象物賦事在卷中一揮而就遂擢甲科後官至戶侍致仕

○艾宣鍾陵人工昼花竹翎毛孤標雅致別是風格 東坡有

詩詠其畫四軸

○未艾 耆艾 徵艾 口艾艾

(十五卦)

祭

徵音 天康

周公第五子祭伯子孫以國為氏

左

傳註云祭仲初為祭卦入掌封疆者後以為氏

雅歌投壺

祭遵字弟孫為人廉約賞賜尽与士卒家无私財身衣韋袴布被 范外奏云遵為將軍取士皆用儒術對酒設樂雅歌投壺雖在軍旅不忘俎豆帝每哄曰安得憂國奉公之臣如祭征虜者乎 封潁陽侯 圖形雲臺

卧鼓边亭

祭彤字次孫有勇力能貫三百斤弓洪建武中拜遼東太守在戢幾三十年卧鼓边亭煩烽幽障 永平中徵為大僕賜尔百

蒯

晋大夫蒯得之後

○蒯徹洪書避武帝諱作通齊辯士也論戰國時說士權變亭其說凡八十一首號曰雋求

○蒯恩字道恩膽力過人仕晋為龍驤將軍建黃州橫江館杜牧詩云孫家兄弟晋龍驤馳騁功名業帝王畢竟功名誰是主苔磯空屬釣魚郎宋初封都鄉侯

○蒯鰲善屬文以理趣為本居鄉飲博与諸葛濤盧絳號庐山三害晚節自厉風操尚信義嘗蓄龍尾硯友人欲之而不言鰲亦心許而未与一日友人不告而去乃徒步追及送硯而还 仕南唐為殿中丞

○蒯亮仕南唐為海州錄事參軍多与徐鉉往还亮受代鉉送以詩云昔年聞有蒯先生二十年來道不行抵掌曾談天下事折腰猶有俗人情老还上國風光薄貧理歸裝結束輕迂

客臨流重惆悵晚風黃葉滿城

介

○介之推晉文公從者也文公復國之推不言祿亦不及遂
隱而死文公求之不獲以絛上為之田以旌善人 信世四琴
操作介子綬

○介象李道得仙

○介琰

[Faint bleed-through text from the reverse side of the page]

(十八隊)

戴

徵音 燕國

宋戴公之後以謚為氏

大戴小戴

戴德字延君兄之子戴聖字次君同受禮於右蒼德刪禮記為
八十五篇號大戴禮聖又刪為四十九篇號小戴禮德為信都
大傳 聖以博士論石渠 德以授徐良 聖以授橋仁楊榮
並家世傳業 西漢儒林

重席

戴憑字次仲習京氏易漢建武中正旦朝賀上令能說經者相
詰難其不通者輒奪其席以通者憑遂重五十余席 京師
語曰解經不窮戴 中

關中大蒙

戴良字叔鴛東漢逸民也才高倨傲議論尚竒曰我獨步天下

誰与為偶入江夏山中優游不仕
父遵字子高多財好施食
客常三四百人語曰關中大憂戴子高

賢良第一

戴封字平仲東漢末對賢良策第一拜議郎迁西華令蝗不入
界歲旱積薪自焚火起而雨遷中山相

琴書自娛

戴逵字安道常以琴書自娛大宰武陵王晞聞其能琴遣人召
之逵對使者破琴曰戴安道不能為王門伶人晉大康中累徵
不至二子勃顛隱居不仕並有高名隱逸傳雪夜訪戴見王

了了令史

戴碩子會替人家貧三子延壽延興法興並能修立山陰有陳
戴者家富積不三千万鄉人云戴家三兒敵陳戴三千万錢
法興好李初為尚書令史彭城王於尚書中竟了了令史得法

興以為記室宋武即位以為南臺侍御史兼中書通事舍人甚
見親待門外成市家累千金恩倖傳

言若湧泉

戴胄唐初為秦王府參軍後大理少卿缺太宗曰胄清直其人
也參處法意至析秋毫言若湧泉上益重之迁尚書左丞
子至德

飛白之寵

戴至德唐乾封中除西臺侍郎高宗為飛白書賜之曰汎洪源
俟舟楫 迁右僕射 父子相繼世詫其蒂

○戴洪正唐人每得密友書于編簡號金蘭薄

○戴嵩善畫有藏嵩鬪牛者以錦囊係肘自隨

○戴松饒州童子也十歲能誦書宋紹興中免文解

○戴蒙宋慶曆中賈黯榜登第時翰林孫抃知奉

○戴述与弟迅俱以文孝称號二戴
○戴復古字式之號石屏有詩行世趙嬾庵姚雪蓬為選 父敏才號東臯子亦工於詩

擇行義

大戴記云娶妻嫁女必擇孝弟世二有行義者是則子孫慈愛孝弟不為淫暴故鳳凰生而有仁義之性虎豹生而有貪戾之心戒之哉

練裳竹笥

戴良嫁女惟賢是与不問貴賤五女並賢皆練裳竹笥木履以遣之

○戴逵帥事徵士范宣於豫章宣異之妻以兄女

○愛戴 訪戴

○代淵字仲騫宋朝奉進士為汜水主簿不赴退居青城山著書為樂

(二十一震) 二十三問附

蘭

中山 晉韓厥支孫仕趙食米於蘭因氏焉

○蘭相如仕趙初為舍人奉璧入秦易城秦留趙璧无意償城相如給取璧却立倚柱怒髮上衝冠曰今臣頭与璧俱碎於此柱矣睨柱欲擊秦王辭謝相如全璧以歸趙王拜為上卿与廉頗為刎頸交 漢司馬長卿慕其為人改名相如
○蘭仁慕仕唐為并州刺史

靳

殺音 河西

○靳尚楚幸臣妬屈子之能与上官大夫共譖毀之
○靳歙漢祖定元功十八人位次歙第十 封信陵侯

○靳悌唐景龍中為侍御史

慎

天水

○慎到韓大夫務刑名之卒所撰四十二篇申韓稱之

○慎條仕晉為東陽太守

○慎彖仕宋為國子博士

○慎氏毗陵人儒家女也唐末適嚴灌夫无子出之慎氏毅然

登舟留詩別云當時心事已相闕雨散雲收一餉間便鴛片

帆從此去不堪重過望夫山夫婦如初 唐宋遺史

印

角音

馮翊

鄭穆公子印之後

○印段字子石鄭大夫鄭伯享趙孟子石賦蟋蟀趙孟曰善哉

保家之主也 襄光七子 子癸

○印癸字子柳鄭六卿饒韓宣子於郊子柳賦籜兮宣子曰二

三君子皆數世之主也 昭十六

晉

徵音

平陽

晉國子孫因以為氏

○晉鄙仕魏為將軍守鄴公子無忌奪其兵以救趙

負

平音

○負半千字榮期幼通書史卒童子長事王義方 又又 曰五百

年一賢人生子宜當之因名半千凡卒八科皆中唐咸亨中

上書自陳曰陛下何惜玉階方寸地不使臣披露肝膽乎

歷事五君有清白節年老不衰樂山水自放 睿宗朝封平

原郡公

○負嘉靜唐開元中張嘉貞薦苗延嗣呂太一崔訓及嘉靜皆

位清要時語曰令君四俊苗呂崔負

○負結唐貞元龍虎榜中人 見齊姓

○負寓唐德宗朝為殿中侍御史

頓

二十八翰附

周未有頓弱縱橫士也秦王資頓子万金破散六

國合從 ○洪有頓肅為邵陽長

○頓起宋熙寧中為教授與東坡相往來倡和坡谷起有云側聞頓夫子講道出新貫又殿廬直宿真如夢猶記憂時策五言起及第時坡為殿後編修官

萬

尚音 扶風

畢萬之後一云芮伯万之後以字為氏

○萬章孟子弟子難疑谷問以發明道德仁義之言

○萬脩漢雲臺二十八將中人咸際風雲之會 封槐里侯

○萬璫唐貞元龍虎榜中人 見齊氏

○萬敬儒三世同居喪親廬墓判血寫浮屠書手斷二指復生

所居曰成孝鄉 唐宣宗大中年間表其家 孝支傳

○萬頃汀州童子也宋紹興中召見內殿時方十歲記誦經史子書如流賜文林郎

○鉅萬 畢萬 擲百萬

段

徵音 京兆

三輔決錄云段干木之子隱如入關干

字為段氏 一云鄭共叔段之後以字為氏

取卿相

段會宗字子松漢竟寧陽朔中兩為西域都護谷永閔其老與書云若子之才可優游都城取卿相何必勒功崑山之側 元延中賜爵關內侯

涼州三明

段熲字紀明初率孝廉與皇甫威明張然明並知名顯達京師稱為涼州三明 洪建寧初破羗有功遷司隸校尉

真將軍

段志玄少驍果唐貞觀中衛章武門上夜遣使至志玄拒曰軍門不夜開示以手詔曰夜不能辨上嘆曰真將軍 封褒國公子建中興榮昌二郡 建中子文昌

禱而雨

段文昌字墨卿唐長慶初為翰林李士上屢呂入思政殿顧問至夕乃出俄拜相文宗立徙帥荆南或旱禱解必雨或久雨出游必霽民歌曰旱不苦禱而雨又不愁公出遊子成式博李強記多奇篇秘籍著酉陽雜俎書

李笏擊賊

段秀實字成公六歲母病勺飲不入口七日號孝童唐建中初召為司農卿朱泚反遣銳師襲奉天秀實倒用司農印以追其兵明日奪源休象笏前唾泚面大罵李笏擊之中額流血斃面具元初詔贈太尉謚忠烈子伯倫為觀察使孫疑珂

夢鳳

段少連字希逸初生時其母夢鳳集于庭宋真宗朝李服勤

辭李科後為三司度支使終龍圖直學士

○段規韓康子相也請致邑以驕知伯史記

女德婚姻

段儀仕燕為光祿大夫二女長字元妃婉惠有操嘗謂妹季妃曰我終不為庸人妻妹曰我亦不為庸人婦後慕容垂納元妃慕容德納季妃俱后

○錦段馬片段



睢陽

古諸侯斟灌氏之後以國為氏

○灌嬰漢祖定元功十八人位次嬰第十八班固泗水亭銘載在第九封穎陰侯號昌文君文帝朝拜相

○灌夫字仲孺父張孟為灌嬰舍人得幸故蒙灌姓為灌孟吳楚反孟戰死仲孺奮曰願取吳王之頭以報父仇由此名聞天下喜任俠結交豪傑家累數千方食客日數十百人穎

川兒歌曰頽水清灌氏寧頽水濁灌氏族性剛自使酒終

○灌賢漢武朝封臨汝侯

○絳灌 旣灌

(貫)

○貫高為趙相時張敖張耳子為趙王漢祖過趙居慢高潜有

異謀趙王不所後高能明王不反自絕吭死

○貫支仕東漢為西羌校尉

○魚貫 該貫 條貫

(三十諫)

(諫)

周礼有司諫氏子孫以官為氏洪有諫忠為侍書御史

(晏) 齊公族晏弱栢子之後

解驂

晏嬰字平仲栢子之子齊景公以為相食不重肉妾不衣帛一狐裘三十年越石父賢在縲繼之中晏子解左驂贖之以為上客大史公曰假令晏子在雖為之枕鞭所忻慕焉

元和風格

晏殊字同叔祖墉官江西居筠父延昌徙臨川七歲善屬文張知白薦之試童科除正字置之秘閣從陳彭年卒為西京留守幕下士王琪張亢叢為上客范仲淹孔道輔歐陽修一時名士多出其門王旦曰刘筠宋綬晏殊屬文有貞元元和風格宋天聖中大拜謚元獻子叔原

樂府

晏叔原號小山有樂府行于世山谷為序如弄柝楊柳樓心月歌罷桃花扇底風等句流麗為世所稱

薑桂之性

晏敦復字景初幼若成人從伊川李伊川見而奇之宋大觀中第進士除正字凡奏篇上嘉獎曰卿鯁峭敢言无忝尔祖薑桂之性到老愈辣論事明目張膽不避權要樂道人之善成人之美其紹興中授臨淄郡開國侯

婚姻

○晏元獻幼能屬文李虛已知滁州奇之許妻以女西京

○晏元獻判西京范文正掌西監謂范曰吾一女及笄君為擇

婿范曰監中二宰子富臯張為善晏曰孰憂曰富修謹張踈

俊公取富為婿即富弼也

○晏晏何晏劉晏

下

羽音濟陽

曹叔振鐸之後支庶食采於下因氏焉

下莊子之勇注云下邑大夫

泣玉

下和楚人得玉璞凡兩獻之楚王而兩受刑乃抱玉而哭復以獻王使人理之乃得玉名曰和氏之璧

卞氏六龍

卞壺字望之晉大寧末領尚書令与王導同受顧命蘇峻反壺戰死二子昉盱見父歿相隨赴賊皆死母裴氏抚二子尸哭曰父為忠臣汝為孝子徵士翟陽聞之歌曰子死於父死於君忠孝之道卒於一門父粹字玄仁兄弟六人並登宰府世稱十氏六龍玄仁无双

○卞華字昭岳仕梁為立經博士說經析理當時之冠

○卞延之弱冠為上虞令有剛氣大守孟顛以令長裁之延之

拂衣去

○卞彬字士蔚峻拔有才擯斥數年不得仕進為枯魚賦以喻

意 仕梁為南康郡丞

(三十四嘯) 三十七號附

(召) 魏郡 周召公奭之後奭本周之支族食邑於召

故謂之召公其後因氏焉

○召伯宣教南國嘗止於甘棠之下

○召虎周宣王之臣土命平淮夷江漢之詩作焉

○召忽奉齊公子糾奔魯桓公殺子糾召忽死之

○召信臣字翁卿漢宣朝為南陽太守躬勸耕桑戶口增倍吏

民親愛號曰召父 治行第一增秩賜金 竟寧中徵為少

府列於九卿

○召馴字伯春習韓詩時語曰德行恂々 召伯春 漢章帝朝

拜左中將

邵 商音 博陵 召公奭之後加邑為邵氏

青門瓜

邵平故秦東陵侯秦亡為布衣種瓜長安城東瓜有五色甚美世謂之東陵瓜又曰青門瓜

安樂窩

邵雍字堯夫始至洛蓬華環堵不蔽風雨各所居曰安樂窩為甕牖讀書宴居其下旦則焚香獨坐晡時飲酒三四甌微醺即止自號安樂先生有安樂吟云安樂先生不顯姓氏垂三十年居洛之淡風月情懷江湖性氣色斯其率翔而後至无賤无貧无富无貴无將无迎无拘无忌窘未嘗憂飲不至醉收天下春歸之肝肺盆池資吟甕牖薦睡小車賞心大筆快志或戴接羅或着半臂或坐床間或行水際樂見善人樂聞善事樂道善言樂行善意聞人之惡若負芒刺聞人之善如佩蘭蕙不佞禪伯不諛方士不出戶庭自際天地三軍莫陵万鍾莫致為快活人

六十四歲每出乘小車詩云花似錦時高閣望草如茵處小車
行司馬公詩云林間高閣望已久花外小車猶未來 每到一
家子弟家人尊奉惟恐不及不呼姓氏但云吾家先生來也十
餘家如安樂窩起屋以待其來謂之行窩歿後鄉人挽詩云春
風秋月嬉遊處吟落行窩十二家 先生在洛与富韓公司馬
公王宣徽諸君子常相往來其園宅自司馬公而下二十餘家
集錢買贈之時有四不出謂大風大雨大寒大暑也會有四不
赴謂公會葬會生會醪會也熙寧十年夏感微疾曰雍欲觀化
一巡如何七月十四日作詩云生于太平世死于太平世客問
年幾何六十有七歲俯仰天地間浩然獨无愧是夜五更捐館
先生之孳得之李挺之有皇極經世書六十卷晚喜吟詩有擊
壤集二十卷 贈秘書省著作郎 元祐中賜謚康節 朱文
公贊云天挺人豪英邁蓋世駕風鞭霆歷覽无際手探月窟足

躡天根閑中今古醉裏乾坤 子伯温 孫溥 溥

童子賦詩

邵煥宋咸平初以童子召對上令賦春雨詩授筆立成授秘書
省正字就秘閣讀書時年十二

○邵榮八世同居雄表門閭蠲租稅

○邵軫与李華等八人相友善

○邵允字具宗宋英宗召對群玉殿曰李士真國器也 知制

誥迂吏侍謚安簡

○邵溥宋紹興中除徽猷待制 弟溥除秘書省校書郎

○邵擘字日華廣州八賢堂中人

○邵宏淵宋紹興中与金人戰于真州胥浦橋大捷中具十三
戰功之一也

婚姻

○邵續仕晉為平原樂安太守見鳩主劉遐剛毅勇壯以女妻之

○邵康節擇婚詩云人之娶婦德容威儀倘或生子不舉則甕娶婦娶恭和嫁夫嫁才美安得正婦人作配真君子

(廖)

汝南

古有廖叔安春秋伯颺其後也

隱居南岳

廖凝字熙績有孝行隱居南岳三年仕江南受偽官為彭澤令詩云風清竹閣留僧宿雨濕庭莎放吏衙解印云五斗徒勞自折腰三年兩鬢為誰焦今朝官滿重歸去還挈來時曰酒瓢迂連州刺史与李建勳為詩友

白雲集

廖正一字明畧宋元豐初上御集英殿放射彥以下有晁補之廖正一同榜晁与廖云十年山林廖居士今隨詔書称李子文

章宏麗學西京新有詩声似侯喜山谷詩云廖侯言如不出口詮量今古大如斗度越崔張与二班古風蕭々筆追还 有詩文號白雲集元祐中召試館戕坡大奇之除正字

世綵堂

廖剛字用中宋紹興中為御史中丞居言路毅然守正於是廖中丞之名重天下 公之曾大母年九十三歲曾大父年八十八皆見耳孫累世以華髮奉養公名其堂曰世綵諫議陳公播之声歌士大夫詩者甚衆趙忠簡因取世綵集進奏上他日謂公曰觀世綵集誠人間羨事也 終朝奉大夫工尚書

衡山居士

廖融字元素隱衡山號衡山居士与任鵠凌蟾王正已相友善皆一時名士也 嘗作夢仙謠云琪木扶踈係辟邪麻姑夜宴紫皇家銀河旌節搖波影珠閣笙簫吸月華翠鳳引遊三島路

赤龍齊駕五雲車星移猶倚虹橋立擬就張騫搭洪槎左司
諫与詩云未向漆園為傲吏定應明代作徵君傳家奕世无金
玉樂道經年有典墳帶雨小舟橫別澗隔花幽犬吠深雲到頭
終為蒼生起休恋耕烟楚水濱王正巳与詩云病起坐當秋
閣迥酒醒吟對夜濤寒炉中藥熟分僧服榻上琴閑借客彈
融後吟詩雲穿搗藥屋雪壓釣魚船自以為不祥果卒刺史何
承矩葬之進士鄭鉉誌其墓

詩人

廖圖字贊禹虔州人能詩和人贈沈彬云逼真但使心无着混
俗何妨手強抄自喜卜居連岳邑水边松下得論交贈泉陵上
人云直疑木少難留鶴未信山低住得雲南唐

○廖扶字文起東漢人習詩書教授常百人尤明天文識緯風
角推步之術號北郭先生

○廖立字公淵楚之良林也蜀先主徵為侍中後廢為民

○廖化仕蜀先主假節為井州刺史封中鄉侯以果烈稱

○廖洪筠州人父母亡捧土為墳結草庐居有青蛇白獸來止
庐側唐咸通中旌表門閭

○廖琮宋嘉祐中歐公知奉試民監賦章衡榜及第

○廖德明字子晦晦庵門人後把麾持節官至正郎

到

見三蕭

到 彭城 楚令尹屈到之後以父字為氏

○到彦之字道豫晉末宋初守荆楚垂三十年士庶懷其威信
迁南豫州刺史元嘉中督軍北侵有淮南之捷長子元慶益

州刺史 次子仲慶从事中郎 沆溉洽皆其曾孫也

○到沆字茂澄梁天監中文德殿置孝士召高才碩李待詔沆
通籍焉 帝宴華光殿命群臣賦詩召沆為二百字三刻而

成 除殿中侍郎

○到溉字茂灌仕梁為御史中丞遷吏尚書以清白自修

○到洽字茂松清警有才孝任昉嘆曰此子日下无双天監中

昉守義興邀溉洽為山澤之遊號蘭臺聚 見殷芸

暴

河東

周卿士暴公之後 風俗通云暴辛周諸

侯也

○暴勝之字公子洪天洪中為直指使者繡衣持斧威振州郡

至勃海雋不疑上謁曰聞暴公子舊矣不疑侍

○暴顯字思祖幼時有一沙門指之曰此即子好相表大必為

良將 仕北齊為徐州刺史

三十八箇

賀

商音

廣平

齊公族慶父之後洪安帝時慶純為侍

中避安帝父諱段姓賀氏

儒宗

賀循字彥先操尚清厉晋建武初拜太常朝廷疑難皆咨之為

當世儒宗帝曰循冰清玉潔位上卿而居室才蔽風雨 賜六

尺床薦席褥并錢三十万 授光祿大夫 循玄孫名瑒字德

璉世以儒術顯梁天監中兼五經博士 瑒子名革字文明通

三礼仕梁為國子博士

啓陳四事

賀琛字國宝瑒從子也精三礼梁武帝聞其有孝術召見文德

殿与語悅之迁御史中丞 每進見坐語移晷刻省中語曰上

殿不下有賀雅以容止閑雅得名大同中啓陳四事上不納

三世儒孝

賀德基字承業祖父仕梁俱為祠部三世儒學有名當世游孝

都下一日白馬寺前逢一婦人謂曰君方為重器貧寒乃尔脫

白綸巾贈之而去 位尚書

高陽里

賀德仁與從兄德基師事周洪正以文辭稱語曰李行可師賀德基文質彬二賀德仁凡弟八人比溪八荀太守王伯仁改其所居里曰高陽里唐初為祭酒

四明狂客

賀知章字季真陸象先曰季真清談風流吾一日不見鄙吝生矣唐開元中遷禮侍兼集賢學士 天寶中乞歸田里為道士詔許之供帳東門百僚祖餞御製詩送云遺榮朝入道舜老早抽簪豈不惜賢達其如高尚心云云以宅為千秋觀而居賜鏡湖剡川一曲見李白呼為謫仙人以金龜換酒與共飲年八十六卒 小子由亦度為道士賜帛百匹

得仙道

賀元得道不死宋朝章聖東封謁於道左曰晉水部員外郎賀元再拜而去 坡寄以詩云舊聞老父晉郎官已作飛騰變化看聞道東蒙有居處願供薪水看燒丹

遺老集

賀鑄字方回好卒藏書万卷工文辭有慶湖遺老集小詞二卷名東山寓居樂府 題定林云破冰泉脉漱籬根壤袖遙疑掛樹猿蠟履舊痕尋不見東風先為我開門舒王見之大稱賞由此知名 春愁云欹枕有時成雨夢蘭蕙無處說春心 元祐中倅涇州

泉石之樂

賀允中宋紹興末為給事中權吏尚書 李顯忠居丹丘與錢端礼賀允中曾勛蕭振日為棋酒之樂徜徉泉石間

婿姻

○賀晦二女妻蕭嵩與陸象先夏榮相之曰陸即位極人臣下
及蕭郎一門盡貴嵩子尚主夫人賀氏嘗入覲拜席玄宗
呼親家母儀禮甚盛

○賀瓌仕後梁為義成軍節度使辟和凝為從事瓌戰敗揮凝
使去凝曰大丈夫當為知己死豈可去也引弓射殺追者瓌
歸戒諸子曰和生忠義士也後必富貴爾謹事之因妻以女
後封魯國夫人

○燕賀臨賀郡名李賀

四十禡

謝 商音 陳留

周宣王之舅姜姓受封於謝其後以
國為氏

名儒

謝該字子儀漢末人明春秋為世名儒門徒數百人 孔融薦

之曰博通女藝周覽古今清白異行抱璞而逃

社稷元龜

謝夷吾字堯卿永平中為鉅鹿太守第五倫令班固為文薦之
曰才兼四科行包三德誠社稷之元龜大洪之棟薨

神龍鳳凰

謝譚吳處士也會稽太守召之為功曹譚辭疾太守曰夫龍以
屈伸為神鳳以嘉鳴為貴何必隱形於天外潛鱗於重淵哉

一丘一壑

謝鯤字幼輿好老易隣有高氏女美鯤挑之女飛梭折其兩齒
時語曰任達不已幼輿折齒鯤傲然長嘯曰猶不廢我嘯歌

顧愷之昼鯤坐石岩中曰鯤嘗云一丘一壑此子宜在一壑中
仕晉為豫章太守 子尚

一座顏回

謝尚字仁祖八歲神悟父携之送客或曰此兒一座顏回也尚曰壘無危父焉別顏回領牛渚秋夜乘月泛舟會袁宏在舫中諷誦即迎之外舟談論達旦晉鎮西將軍

圍碁却敵

謝安字安石四歲相屢見之曰此兒風神秀徹弱冠詣王濛又曰此公壘又逼人隱會替与王逸少許詢支道遊放情在壘有公輔之望高崧戲之曰高卧東山安石不出將如蒼生何蒼生亦將如卿何惟淝之役圍棋賭墅破符秦百万之師捷書至過戶限不竟履齒之折紹興府有東山又半有薔薇洞即安石携妓遊處也晉太元中錄尚書事加太保謚文靖子琰又子混

江左第一

謝混字叔源風華為江左第一相玄欲以安宅為營混曰召伯

仁及甘棠文靖之德不能保五畝之宅乎三世僕射

狂司馬

謝奕安之兄也相温辟為安西司馬在温坐岸憤笑詠嘗逼温飲温入南康主門避之主曰公若無狂司馬何由相見奕携酒洗序事引一兵帥共飲曰失一老兵得一老兵温不之責為豫州刺史子朗玄

芝蘭玉樹

謝玄字幼度尚兄朗皆為叔父安所器重安曰子弟亦何預人事而正欲使其佳玄答曰譬如芝蘭玉樹欲使其生於階庭耳肥水之捷玄為前鋒假節封康樂縣公子璩又子靈運謝氏尤彦秀者稱封詔胡朗羯玄未川皆其小字也

綸巾鶴氅

謝萬字万石安之弟簡文帝作相召為從事中郎萬著白綸巾

鶴警裘而前共語稷日為豫州刺史弟少患面瘡又愈寢曰人呼謝曰面拜相子韶

兩玉人

謝晦字宣明嘗與謝混同在武帝前帝目之曰一時頓有兩玉人宋初為鎮北將軍與傅亮等同被顧命

齒牙餘論

謝眺字玄暉文章清麗長五言詩在宣城因登三山得澄江靜如練之句古今所稱好獎人才謂孔珪曰士子声名未立宜共獎成無惜齒牙余論位尚書郎

西堂吟夢

謝靈運幼穎悟文章之美與顏延之為江左第一世稱顏謝與族弟惠連為刎頸交每對之輒得佳語嘗於永嘉西堂思詩不就忽夢惠連即得池塘生春草之句常云此語有神助宋

元嘉中為永嘉守郡有名山水肆意遨遊尋山陟嶺必造幽峻登躡常著木屐上山去前齒下山去後齒與何長瑜等為四友見荀氏小字客兒襲父爵封康樂公世稱謝康樂子孫宗又子幾卿

鳳毛

謝超宗好孝有文辭嘗作殷淑儀誄帝嗟賞謂謝莊曰超宗殊有鳳毛宋末為義興太守昇明二年坐事免詣東府自通齊高帝時為大傅謂四坐曰此客至使人不衣自暖

神童 德門

謝幾卿清辨時號神童年十二召補國子生後為侍御史並本傳論曰謝氏自晉以降雅道相傳景栢景仁德素傳羨景懋景先節義流譽方明行已之度玄暉藻繪之奇各擅一時可謂德門者矣南史

烏衣之遊

謝密字宏微与族子靈運晦瞻以文義賞會同居烏衣巷故謂烏衣之遊晉義熙初襲父爵建昌縣侯惟受書數千卷而已遺財祿秩一無干預子莊

江東獨步

謝莊字希逸七歲能屬文宋文帝見而異之曰藍田生王豈虛也哉 作赤鸚鵡賦袁淑見之曰江東無我卿當獨步我若無卿亦一時之傑 孝建初遷左將軍子朏

謝家千金

謝朓字敬冲十歲能屬文琅琊王景文謂其父莊曰卿子足称神童莊笑撫胸背曰吾家千金 宋末領秘書監 齊受禪不屈節 梁初為尚書令 子諶

伊洛間意

謝孺子与王或宴于相臺孺子吹笙起舞嘆曰今日真使人飄又有伊洛間意 並南史

李詩謝賦

謝偃唐貞觀初對策高第為弘文館直学士時李百藥工詩偃善賦世称李詩謝賦

遇仙

謝玄卿遇神仙見丹柯碧葉微風時叩五音相節即琅玕樹也又設素麟脂斑螭髓玄洲白捺空洞靈瓜扶桑丹椹瓊飴酒桂腦芝英彈八琅之璈吹叢霄之笙作回鸞轉鳳之舞

有元自風

謝絳字希深文章典雅有元白風 宋天聖中錢惟演留守西都絳為通判歐公為推官尹洙為書記梅聖俞為主薄休沐相從為樂後為制誥

江西詩派

謝逸字無逸號溪堂居士有詩云貪夫蟻旋磨冷官魚上竹山谷稱賞 作蝶詩三百首極有佳句人呼為謝蝴蝶與從弟幼槃皆江西詩派中人

名利關

謝良佐字顯道號上蔡先生伊川門人別一年後伊川問曰做得甚工夫曰方去得一個矜字或問謝子勢利如何曰打透此關十餘年矣透得名利關便是小歇處須以窮理工夫至此方可望入聖域 伊川嘗稱其有王佐才 以釋竭登第宋建中靖國初召對除書局官

訓子孫

謝師稷字務本邵武人宋淳熙中為集英殿修撰 謝氏之族盛於江左求其絕德懿行揀履端潔始終無瑕未有出公之右

者閑居子孫環侍每以持身居官大節為訓

西州五鳳

謝發求康人五子固田因園困迭魁大孝號西州五鳳

性李淵源

謝諤字昌國新喻人初居縣南之竹坡榜曰良齋晚徙邑東地多岩桂舍曰桂山二名聞于中外周益公嘗薦之上曰是所謂良齋耶朕見其性李淵源五卷 工大字時稱為堆金積玉廬陵艱食飢民方餘守譙門求賑公時為錄事參軍亟命植五色旗分部給窮頊刻而定 宋淳熙中為大孝博士遷監察御史 光宗登極首獻十箴 除工尚書

○謝繹謝現皆求和修楔中人

○謝瞻作喜霽詩靈運寫謝混詠時王弘在坐以為三絕

○謝泌宋淳化中直史館擢右司諫賜金紫 有長樂集

○謝濤宋景德二十四賢中人

○謝公定景初之子為竟陵薄山谷有詩送之

女德婚姻

殺盜報仇

謝小娥段居貞之妻也居貞與謝父同賈江湖間為盜申蘭申春所殺小娥詭服為男子託傭蘭家出入二年因群偷醜酒蘭春醉卧小娥閉戶拔佩刀斬蘭首大呼捕賊鄉人救而擒春得賊千五小娥祝髮為尼

仙妃

謝英妃秦皇二年武夷君會鄉人于幔亭峯英如撫長琴豈何查憂圓鼓宴罷彩雲四合環佩人馬之聲凌空而去

詠雪

謝道韞奕女也聰識有才辨因內集雪下安曰何所似兄子朗

曰撒鹽空中差可擬道韞曰未若柳絮因風起 初適王疑之

不樂曰一門叔父則有阿太中即群從兄弟則有封胡羯末不

意天壤間乃有王郎 疑之弟獻之與客談論碎埋將屈遣婢

白獻之云欲為小郎解圍乃施青綾步障申獻之前議客不能

屈 濟尼曰王夫人神情散朗有林下風氣

禁商

謝混少有美譽晉武欲擇婿王珣曰謝公不及真長 劉惔 不減

子敬 王獻之 帝崩袁崧欲婿混珣曰卿莫近禁商

得婿

謝景初字師厚宋熙豐間任司封郎中方為長女擇對見黃山

谷曰得婿如是足矣遂妻之山谷卒從師厚得詩法曰自從見

謝公論詩得濠梁 幼女以妻胥茂湛 又 端厚敏達初調烏

程薄胥夫人居室靖深婉嫵言動顧繩墨

世姻

謝師直小字錦衣奴梅聖俞與謝氏世姻作詩戲之曰古錦裁
詩句斑衣戲坐隅木奴今正熟肯效六郎兒時師直時方十歲
已悟其意

○謝安妻劉惔妹也見家富貴安獨靜退謂曰大丈夫不如此
也安掩鼻口恐不免耳

○謝万早有時譽太原王述以女妻之
○謝淪七歲能文鵬之弟也褚彥回以女妻之厚為資送

○謝尚娶袁彥道之妹與殷浩為連袂
○謝生見越漁父一女絕色求娶焉

○謝玄之女以妻袁湛
○謝安之婿王國寶以浮躁不用
○王謝 陶謝 沈謝 鮑謝

○射 後洪謝服為將軍出征不祥改姓射名威其後因氏焉

華

角音 武陵

宋戴公子考父食采於華因氏焉

神膏

華佗字元化洪末人曉養性之術年百歲有壯容精於方藥若
疾發於內針藥所不能及者令先用酒服麻沸散既醉因割破
腹皆抽割積聚若在腸胃則斷截湔洗除去疾穢而縫合傳以
神膏疾乃愈 曹操苦頭風一針而愈後竟殺之方術傳

淵清王潔

華歆字子魚一代偉人也洪末為豫章大守為政清靜吏民信
愛 後因赴召賓客贈遺累數百金初無所拒臨去曰單車遠
行懷璧為罪悉還之衆服其德入朝拜尚書令陳登曰歆淵清
王潔 魏文受禪遷司徒封安樂鄉侯擲金割席 見魯氏子表
字偉容為尚書以苦節垂名
○惟耦來魯泣盟書曰宋司馬華孫貴之也 文十五

○華元宋右師也殺羊食士其御羊斟不與宣二夜入楚師登子反之牀起之遂為質於楚而盟宣十五

○華譚字令思仕晉為秘監薦宋鳳吳震為著作佐郎

○華嶠字叔駿博孝仕晉為臺郎徧觀秘籍作漢紀十卷

○華茂為上虞令華平為徐州西曹與蘭亭宴詳王民

○華融矯又壯節有國士風陳登表

○華秋幼失父母以孝聞隋大業中表其門閭盜起相戒勿犯

孝子鄉

○華子期建昌有華子崗第廿四福地泉源在羅浮山中仙人

華子期居之

婚姻

○華廙有才盧毓以女妻之後贖典選而廙年三十五不得調

有首菑園

○秦華 嵩華

(四十一洋)

向

音 官音

河內宋相公子向父肸孫向成為左師子孫因

聞笛感舊

向秀字子期好老莊之孝註莊子發明奇趣振起玄風嵇康

善鍛秀為之佐又共呂安灌園於山陽康被誅秀入洛鄰人有

吹笛者發聲寥亮秀追想曩昔嵇生游宴之好感音而嘆作思

舊賦 仕晉為散騎常侍

赤幢曲蓋

向雄字茂伯仕魏為秦州刺史假赤幢曲蓋鼓吹仍賜錢三十

萬

大耐官職

向敏中字常之宋大平五年試春雨如膏賦蘇易簡榜及第

西京有僧殺魯并婦人寃獄已具公獨明其非蔡得其實一府

以為神 太宗飛帛書張詠敏中各付中書曰二人名臣也為朕記之 真宗朝進左僕射上使人覘之門闌燦然上曰敏中大耐官職 與寇準同年公既秉鈞準以使相守長安寄公詩云玉殿登科四十年當時僚友及英賢歲寒惟有公兼我白首猶持將相權 謚文簡 子傳正傳式傳亮傳範 亮子涇 又女為神宗欽聖皇后

死節

向子韶字和卿文簡四世孫少游賢閔清約如寒士人不知其為相門右族之子姪也強孝自厲曰先丞相事業寂寥者久求嘉劉安節壯其言引為忘年交 宋精康初守淮寧金人入寇公親擐用甕冒矢石城陷金人酌酒於前令屈膝公植立不動戟手罵之遇害 謚忠毅 弟子恣

伊山小隱

向子恣字宣卿宋紹興中呂頤浩薦公賜對加直秘閣 歷任湖北憲衡人懷之繪像佛祠 晚年居伊山乃晉栢伊書堂故基胡公明仲名其所居曰有裕堂仍為之記其畧云晚年小隱衡山之伊山結茅為堂寘書史其中茂竹幽陰春葩秋馥杳然雲水之外侍郎胡公寅諫官劉公璜自天柱峯南撲被枝筇歲一往焉商較文義把酒賦詩逍遙襄羊具及而後別兄子諶為湖東安撫自號薊林居士

○向成仕宋為左師克合晉楚之和公賞之邑六十左師辭邑襄世七子宜 又子鄭

○向長字子平讀易至損卦嘆曰吾已知富不如貧貴不如賤但未知死何如生耳漢建武中男女嫁娶畢敕斷家事勿相関遊五岳名山 逸民傳 高士傳向作尚

○向寵仕蜀為牙門將孔明出師表云將軍向寵性行淑均曉

暢軍事 封都亭侯

○蜀向朗字巨達位特進潛心典籍年踰八十手自校書

○向栩字甫具仕後 侍中朝廷大事侃然正色百官憚之

○向朗字巨達蜀襄陽人潛心典籍年踰八十手自校書

女德婚姻

○向氏女后族也 見前向敏中 ○向氏檀道濟之妻有賢行

○向子山梁山鄉先生也以女妻張商英

(尚) 商音 京兆 周太師尚父之後

○尚靳戰國游士也楚圍雍氏靳為韓使秦 又 遂救韓

○尚長後漢高士也 事見向姓可通用

○尚衡唐至德中功臣二百六十五衡第二加散騎常侍檢校

禮部尚書兼御史大夫

○尚可孤唐建中四年朱泚反李晟屯東渭橋可孤以神策軍

屯藍田受晟節度晟兵大振

○尚長道仕宋為簽判楊誠齋贈詩云今代高人尚子平風流

文采舊家聲合於王殿班中立却向紅蓮幕裏行

○尚美人宋景祐中遣內侍稱教旨免二人市租時龐籍為開

封府 判官 奏之

○高尚 呂尚 嘉尚

(况)

○况長寧 諸葛恪傳云况長寧以為君子臨事而惧好謀而

成蜀為叢尔之國所規所圖惟守與戰 二月志

○佳况 荀况

(暢)

暢惠明齊人撰論語集註 ○暢瑾仕唐為戶尚書

○暢當唐貞元中為太常博士 儒李傳

(諒)

○諒毅辨士也為趙使秦有專對之才目錄

○諒輔仕東漢為五官掾大旱積薪自焚須臾而雨

(四十二敬) 徑證二韵附

(敬)

商音 平陽

陳厲公子敬仲之後以謚為姓

鐵石心

敬肅字弘儉少以貞介知名心如鉄石老而旒篤 隋大業中

郡國守令畢集帝問蘇威白其中清名天下第一者誰對曰柳

儉復問其次曰涿郡丞郭絢潁川郡丞敬肅帝賜儉帛二百匹

絢肅各一百匹旌異之脩使傳

○敬暉字仲曄唐聖曆初為衛州刺史後以誅二張功封平陽

郡王謚肅愍

○敬播唐貞觀中遷太子司議郎與令狐德棻等撰晉書房玄

齡嘗稱為陳壽之流以顏師古所註漢書文繁令掇其要為四十篇

○敬翔字子振深沈有大畧後梁太祖受禪改樞密院為崇政

院以翔為使遷金鑾殿大李十四

(鄭)

徵音 滎陽

周厉王少子封於鄭平王時遷溱洧間謂之新鄭傳十三代為韓所滅子孫居陳以國為氏

推轂

鄭當時字莊滎景帝朝為太子舍人常置驛馬請謝賓客其知

友皆天下名士 武帝朝為大司農戒門下客至無貴賤兼留

以貴下人常推轂士進之惟恐後山東諸公翕然稱鄭莊 與

汲黯同列九卿

谷口耕夫

鄭子真谷口人耕于岩石之下名震京師漢成帝朝王鳳以礼

聘之不屈其清風足以激貪厲俗近古逸民也

金華說書

鄭寬中受張山拊書有雋才漢成帝朝與張禹說尚書於金華殿賜爵關內侯

尚書履聲

鄭崇字子游漢哀帝朝拜尚書僕射數進諫每見曳革履上笑

曰我識鄭尚書履聲 上嘗責之曰卿門如市何以欲禁切主

上對曰臣門如市臣心如水上怒下之吏死獄中

奉使不拜

鄭眾字仲師從父興受在氏春秋明三絃曆漢末平初以明經為給事中持節使匈奴不拜單于怒欲脅服之眾拔刀自誓後復遣使眾上言臣誠不恩持大漢節對疆裘獨拜 章帝朝有宦者鄭眾字季序每班賞則辭多受少

白衣尚書

鄭均字仲虞任城人漢建初中徵拜尚書數進忠言以病告歸帝東巡過任城乃幸均舍賜尚書祿以終其身時號為白衣尚書

隔座屏風

鄭弘字巨君會稽山陰人徵時採薪白鶴山得一遺箭項有人覓弘為之問弘所欲曰常患若邪溪截薪為難願且南風暮北風至今猶然俗呼鄭公風 第五倫為會稽守召署督郵奉孝廉累迁為淮陰守春出行早有鹿方道夾轂而行主簿賀曰三公車轡畫鹿明府必為宰相 漢元初拜大尉時第五倫為司空班次在下每朝見弘曲躬自卑帝問知其故置雲母屏風分隔其間由此為故事

中漢史 宣帝時亦有鄭弘字釋鄉為南陽太守所居民富所去見思兄次卿為涿郡太守通法律政

事 西漢史

書帶草

鄭玄字康成西入關事馬融居三年從質疑義問畢辭歸融曰
鄭生今去吾道東矣 漢建寧初黨禍作玄杜門修業時何休
著公羊墨守左氏膏肓穀梁廢疾玄乃發墨守鍼膏肓起廢疾
休曰康成乃入吾室操吾戈以伐我乎 國相孔融深敬之告
高密縣為玄特立一鄉曰鄭公鄉門曰通德門 註詩書易禮
記儀禮論語孝經凡百餘方言何進等薦碎皆不就鄭玄教授
山生草如薤葉土人名曰康成書帶草 子益恩

碧筍酒

鄭愨魏正始中於三伏內集賓僚避暑歷陽取大荷葉盛酒刺
今與柄通屈莖如象鼻傳吸之名碧筍酒

大鄭小鄭

鄭道昭仕北魏為兗州刺史於城南小山起亭亭刻石為記有
云中岳先生鄭道昭之白雲堂 子述祖字恭文齊天保中亦
為是州尋舊迹得之在職能治民歌曰大鄭公小鄭公相去五
十載風教猶尚同 能琴造龍吟十弄

南鄭北鄭

鄭綱字文明幼有奇志唐貞元末除中書舍人制云羽儀周行
黼藻王度以澁潤推麗之文居獻納論思之地元和初拜相
從子餘慶字居業貞元中拜相時綱第在南餘慶第在北人稱
南鄭相比鄭相

一字師

鄭谷幼有名譽司空圖見而奇之因拊其背曰當為一代風騷
主 僧齊已携早梅詩詣之谷為改數枝開作一枝齊已不資
下拜以為一字師 世稱為鄭都官 有鷓鴣詩極佳人謂之

鄭鷓鴣 咸通十哲中人

白雲翁

鄭儋仕唐為北都留守日與賓客投壺飲博平居簾閣據几終日號白雲翁

七松處士

鄭董字子博唐末知貢奉錯認顏標為魯公之後有冬烘之誦所居為隱岩時松子庭號七松處士

人瑞

鄭仁表豪爽有文仕唐為起居郎以門閥文章自尊曰天瑞有五色雲人瑞有鄭仁表 父肅拜相挺 有太臣節

廣文氈

鄭虔好書苦無紙慈恩院貯柿葉數屋日往取葉隸書 之殆遍 善圖山水自寫其詩併益以獻帝大署其尾曰鄭虔三絕

元宗愛其才置廣文館以為博士著書八十餘篇 杜詩云廣文先生官獨冷又云才名三十年坐客寒無氈近有蘇司業時 二 与酒錢

雪驢詩思

鄭綮字蘊武能為歇後詩世號鄭五歇後体 或問詩思荅曰詩思任灞橋風雪中馱子上 唐乾寧初拜相詔下綮搔首曰歇後鄭五作宰相時事可知矣

儒者之勇

鄭畋字台文姿采如峙王唐末為鳳翔節度使大破黃巢兵上曰畋儒者之勇乃尔進司空平章事

三高士

鄭雲叟奉進士不中入少室山為道士徙華陰山与李道殷羅隱之友善世號三高士 晋高祖以諫議大夫召不起賜號逍

達先生

忠孝狀元

鄭懈字毅夫俊邁不群初奉國子監第五人謝啓云李廣才氣自謂無双杜牧文章止得第五宋皇祐五年上御崇政殿試園立象天地賦進士第一試前一日上焚香祝曰願得忠孝狀元遂得懈二微時夢至一處有小池方闊數尺甃以明玉懈以水浴身視其臂生白鱗視水中影頭已角出有吏云此玉龍池也故登第詩云霹靂一聲從地起到頭身是白龍翁神宗朝為翰林李士有翰林夜直詩云中使傳宜李士家君王令草侍中麻紫泥金印才封了蓮炬燒殘一寸花

流民圖

鄭俠字介夫福州人初從王安石李峯進士宋熙寧中監東京西上門和荆公詩云何處難緘口熙寧政失中四方三面戰

十室九家空見佞眸如水聞忠耳似聾君門深万里焉得此言通時亢旱俠以本門所見流離之民扶老携幼飢寒困苦之狀呼昼工列為流民圖上獻之且曰使陛下觀臣之圖行臣之言十日不雨乞斬臣宣德門外以正欺君慢天之罪神宗覽畢下責躬詔方田保甲青苗並罷越三日大雨荆公辭位薦呂惠卿俠上言安石本為惠卿所誤不報乃取唐書房杜姚宋林甫國忠畫為兩軸一曰君子正直社稷之臣事業一曰邪曲小人容悅之臣事業執政怒送汀州編管元祐中起為泉教

晚年勁節

鄭戩字天休宋天聖初試雲瑞紀官賦宋郊一李清臣二鄭戩三高若訥四曾公亮五知長安表曰聽嚴城之鐘鼓未卜何辰植勁節於雪霜更觀晚歲上稱誦者數四曰戩氣識英豪朕將用之為相官至樞副

獻草得官

鄭可簡以貢茶迂福建運使子待問以獻朱草得官好事者詩云父責因茶白兒榮為草朱

○鄭渾魏代良守也在沛郡具陂溉田民刻石號曰鄭陂

○鄭冲八公攀龍見何曾位大傅封壽光公

○鄭據香山九老會中年八十五為長史見胡泉

○鄭居中仕唐為中書舍人同裴相修撰洛濱見白氏

女德婚姻

孝女

鄭孝女兖州人父神佐戰死慶州母早亡無兄弟女年廿四毀服護喪還鄉与母合葬庐墓不嫁詔褒表其門

堅貞不撓

鄭氏余洪妻也洪為閩帥唐師下建州祖將王建封得之以其

有色而堅貞不撓不敢犯獻之大將查文徽二二欲納之鄭大罵曰王帥吊伐當褒錄即義以厉風俗建封行伍尚知見憚君元帥也而欲為禍首邪文徽訪其夫歸之

事姑孝

鄭袤字林叔再娶魯國曹氏事姑孝躬紡績之勞以充奉養叔姪妯娌之間俱及其礼 袤仕晉為儀同三司

○鄭誠娶清河崔氏生子善果號清吏

○鄭幼麟弱冠奉秀才李孝伯以女妻之後為中書侍郎

○鄭懈娶張氏女 ○鄭儋長女適遼東李繁

○鄭亞娶李翱女生三子皆拜相

○鄭天休娶李氏女与范文正為連袂

○鄭宗大族也世与王家相嫁娶

○鄭交甫適楚遵彼漢臯遇二女与之佩珠詳江氏

○鄭衆言婚禮有合歡鈴取和諧有九子墨取多子

○鄭天休選王禹玉為婿後拜相禹王選鄭達夫為婿亦拜相

○晉鄭善鄭南北鄭

(孟) 羽音 平昌

曾相公之從父之從曰孟孫因以為氏
慶父之子公系故為孟穆伯二子曰穀曰
雖費也豐下

仁義七篇

孟子名軻字子輿受業子思命世亞聖之大才也著書七篇皆言仁義 韓愈云孟氏醇乎醇者也

天下長者

孟舒事趙王款從王至長安高祖召見與語漢廷臣无出其右拜為郡守文帝問田叔曰公知天下長者乎對曰雲中守孟舒長者也

易孝

孟卿善為禮春秋授右蒼疏廣 子喜字長卿從田王孫受易由是易有施孟梁丘之學

合浦还珠

孟嘗字伯周洪順帝朝為合浦太守郡不產谷實而海出珠寶前守宰貪穢詭民採求不知紀極珠漸徙於交趾界嘗革前弊去珠復还百姓蒙利商賈流通稱為神明

墮甌

孟敏字叔達漢延喜中客居大原荷甌墮地不顧而去郭林宗問其意曰甌已破矣視之何益

含棗

孟節漢末人得仙道能含棗核而不食可至五年十年又能結氣不息狀若死人可至五年十年

孝卷

孟宗字子恭性至孝母嗜笋冬天欲之宗入林哀泣播竹笋忽
自生一云母卒後冬節將至宗得以供祭 晉武時為魚池監
作鮓寄母 二曰何不避嫌疑遂还之

龍山落帽

孟嘉字万年江夏人晉永和為相温府參軍九日温宴龍山
風吹嘉帽落初不自覺 飲多不亂温問酒有何好而君者之
嘉曰明公但不以酒中趣耳 迁長史卒

嘉禾瑞麥

孟業字敬業仕北齊為東郡大守以寬惠著名郡內麥一莖五
穗或三穗四穗縣人送嘉禾一莖九穗咸以為政化所感循吏傳

孟亭

孟浩然襄陽人少好節義隱鹿門山游京師王維邀入禁署玄
宗忽至浩然匿床下維以實對帝問所作再拜自誦 二 至不才

明主弃之句上曰卿不求仕朕未嘗棄卿奈河誣伐由是失意
王維過郢州昼其像於刺史亭因曰浩然亭又曰孟亭

以詩鳴世

孟郊字東野少隱嵩山貧居苦吟有云夜吟曉不休苦吟鬼神
愁如何不自閑心与身為仇 結交詩云君子芳桂性春濃寒
更繁 云 惟當金石交可与賢達論 韓愈引為忘年交序云

孟郊東野始以其詩鳴詩云低頭拜東野願得終始如驅蠶誌
其文云劇目鉢述心物迎縷解鈞草棘句搯擢胃賢言得句之
難也 年五十第進士詩云昔日齷齪不足嗟今朝故蕩思无
涯春風得意馬蹄疾一日看及長安花 調漂陽尉 鄭餘慶
鎮具元奏為參謀卒張藉謚曰貞曜先生 二子鄂鄂

杯樽石

孟仕源唐人壽昌有石臨樊水有窠仕源居其下元結命曰杯

樽石銘曰時俗澆狡日益偽薄誰能抔飲共守淳朴

屈子齊名

孟昭圖唐末為左拾遺上疏論事坐貶田令孜遣人投之墓願
津後人祠之裴澈詩云一章何罪死何名千載惟君与屈平從
此蜀江烟雨夜杜鵑應作兩般声

金鰲集

孟賓子五代末与李昉同及第昉仕宋入翰林而賓于仕南唐
為令昉寄詩云初携宝劔別湘潭金榜標名第十三昔日声名
喧洛下只今詩句滿江南 歸老連上號群峯更有詩百篇號
金鰲集

○孟莊子惡臧孫又曰孟孫之惡我藥石也 襄世三

○孟僖子屬二子說与何忌師事仲尼而學礼焉 昭七

○孟公綽為趙魏老則優 又公綽之不欲

○孟賁古勇士也 ○孟說秦力人也

○孟昶孟顥兄弟並美風儀時謂之双珠 南吏

○孟簡字幾道唐元和中為尚書韓愈与書論闢佛

○孟貫有詩云不伐有巢樹多移無主花二句忤周世宗

○孟忠厚隆祐太后兄子也宋紹興中任樞密上曰朕不欲以
國戚任軍旅万有一有過治之則傷恩釋之則廢法

女德婚姻

孟母 列女傳

孟軻幼被慈母三迁之教 娶婦一日入室婦袒於内軻不說
婦辭求去母召軻謂曰礼將上堂声必揚所以戒人也將入戶
視必下恐見人過也今子察於礼而責於善不亦遠乎軻乃留
婦謝之君子曰孟母知礼而明姑婦之道

齊眉 詳梁氏

孟光扶風平陵孟氏之女狀肥醜而黑力率石曰年三十未嫁
曰欲得賢如梁伯鸞者梁聞而取之字之曰德耀

○孟氏女后族也宋哲宗皇后孟氏紹興中居瑤華宮

○孟嘉娶陶侃之女

○孔孟 趙孟 季孟 非孟 一日人嘗賦詩云

(盛) 汝南 周穆王時盛國之後

○盛吉仕漢為廷尉視事二十年天下稱有恩無怨

○盛冲吳孫休受季焉及即位以為博士講論道藝

○盛彥字子翁晉人事母孝母疾失明婦取蜻螬炙以食之母
密藏以示彥 又見之抱母慟哭母目豁然而開

○盛彥師唐武德中為總管擊斬李密以功封葛國公

○盛度字公量宋真宗朝奉使陝西參贊漢唐故地繪為西域
圖以獻 天聖中入翰林 拜參政 謚文肅

○盛玄宋景德中上召翰林梁顥夜對詢以館閣人物對曰晁
迥寓於詞李盛玄敏於吏事

○盛次仲宋元祐間與孔平仲同在館中夜論雪詩次仲曰看
來天地不知夜飛入園林總是春平仲大服

○盛姬周穆王之姬也

○盛小叢去籍之妓也尚本李訥夜登越城樓聞歌曰鴈門山
上鴈初飛其音慘切乃至乃小叢也

(慶)

○慶鄭晉大夫惠公禦秦卜右慶鄭吉不使 僖十五

○慶封齊左相當國專政奔魯穆子享之不敬使工為之賦第
鵠亦不知

(正)

周末正考父之後 魏志有正帛為末昌太守

(審)

散音 齊郡 衛康叔之後至武公生季釐食采於審

審

審

審

審

審

審

審

以國為氏

繼舊好

甯武子名俞為衛卿聘魯公与之宴為賦湛露及彤弓不辭又不谷賦曰陪臣來繼舊好君辱既之其敢干大禮以自取戾文四

飯牛

甯戚飯牛於車下擊牛角歌曰南山矸白石爛中有鯉魚長尺半生不逢堯與舜禪短布單衣纜至斲從宵飯牛至夜半長夜漫二何時旦齊相聞之命後車載之賜之衣冠授以卿位新序

乳虎

甯成漢酷吏也好氣為人上操下急如束濕武帝拜為都尉歲餘郡國出入關者號曰寧見乳虎母值甯成怒

○甯壽允父人龔勝薦壽及侯加詔徵之壽稱疾不起

○甯悌原仕唐修國史以直筆忤旨仕不起

○甯智博李宋元祐中上問王岩叟從誰李對曰從河東甯智先生

(鄧)

春秋鄧侯吾離之後以國為氏

銅山

鄧通以擢船為黃頭郎文帝夢上天有黃頭郎推上見其衣屣後穿竟而之漸臺通衣穿寵幸之賞賜鉅万相者相通當餓死帝賜以蜀道銅山得自鑄鄧氏錢布天下官至上大夫

垂名竹帛

鄧禹字仲華漢更始時光武持節河北禹杖策北渡追及於鄴曰禹願效其尺寸垂功名於竹帛耳光武即位拜為大司徒後加封高密侯禹篤行淳備有子十三人各使守一藝脩整閨門教養子孫皆可以為後世法雲臺二十八將禹為之首後分封三子為三國長曰震次曰襲曰珍俱封侯震子乾

襲子深

珍子康尤有操行

累世寵榮

鄧訓字平叔禹第六子有大志閨門甚嚴兄弟敬憚為張掖太守訓五子騰京惺弘闔女為和帝后 鄧氏累世寵貴侯二十九人公二人大將軍以下十三人中二千石十四人列校二十二人州牧郡守四十八人其餘侍中大夫郎謁者不可勝數後為宮人誣告惺弘等皆坐黜

平蜀立功

鄧艾字士載魏景元中大率伐蜀文督軍自陰平道以糧自裹推轉而下將士攀木公崖魚貫而進蜀平詔以艾為太尉 為鍾會所構死于蜀 晉武即位議郎段的上疏為艾伸冤 詔以其孫朗為郎中

入水斬蛟

鄧遐字應遠勇力絕人仕晉歷數郡守袞陽沔水有蛟害人遐入水揮劍斬蛟數段 時號為名將

民挽不留

鄧攸字伯道晉末嘉禾石勒兵起攸挈家而逃以其弟早亡特全其姪係其子於樹而去至江東无帝以為中庶子遷吳郡太守載米之郡但飲吳水而已後稱疾去職郡有迎送錢數百万不受一錢百姓牽攸船不得去夜發吳人歌曰紈如打五鼓雞鳴天欲曙鄧侯挽不留謝令推不去迂吏尚書 卒无嗣人義而哀之曰天道无知伯道无兒史臣云弃子存姪以義斷恩自可割情忍痛何至預加徽纜絕其奔走豈慈父仁人所為也勿謂天道无知乃有知也 良吏傳

古循吏風

鄧璠瑞陽人唐中和元年權袞州興崇李校有古循吏風詔正

任彭瞻賀以詩云六年惠政及黎氓太府論功賞陟明一尺詔
書天上降二千石祿世間榮新添畫戟門增峻舊躡青雲路轉
平更待皇恩酬善政碧油僅到郡齋迎 課最優於文翁黃霸
且春志

隱玄先生

鄧世隆棲白鹿山號隱玄先生唐貞觀初召授修史李士

四世同居

鄧文瑞又陽人唐華林實錄云四世同居五百餘口長幼睦嫻
衣无常主開元中詔旌表門閭

西秀里

鄧佑五代末擢童科弟吉擢三礼科改所居為揚名鄉兩秀里
監江人

李鄧同年

鄧洵美五代乾祐中與李昉同年及第後相遇贈詩憶昔詞場
共着鞭當年營谷喜同迂關河契闊三千里音信輻踈二十年

十賢 見朱氏

鄧伯溫名潤甫從李泰伯孝後為尚書左丞 入翰林

會宿玉堂

鄧聖求宋元祐中入翰林東坡云聖求為武昌令時余居黃與
武昌相望常往來溪山間後與會宿玉堂話舊作詩云憶從樊
口載春酒步上西山尋野梅西山一上十五里風駕兩腋飛崔
嵬云云 豈知白首同夜直卧看掾燭高花摧江邊曉夢忽驚斷
銅鑲玉鎖鳴春雷

白霞卅景

鄧伯元吳郡人與王玄甫同學道於福州鶴林山授餐青精飯
白霞卅景之法

○鄧平仕漢為大史丞造太和曆

女德婚姻

○鄧禹女孫名綏十二歲通詩書修婦業暮誦經典後為和熹

皇后

○鄧攸嘗詣鎮軍賈混又以訟事示攸使決之攸曰聽訟吾猶入也必也使無訟乎混竒之以女妻焉

○鄧叔娶牛僧孺第四女与苗惜張希復為女婿

○過鄧 曹鄧

(四十九宥)

(寇) 官音 山谷

蘇忿生為周司寇子孫以官為氏

借寇一年

寇恂字子翼更始末光武定河内而難其守鄧禹曰寇恂文武備足有牧民御衆之才非此子莫可使也賈復与有旧怨帝召

二人至謂曰今天下未定兩虎安得私聞今日朕分之於是並坐極歡共車同出結友而去 穎川盜起恂從車駕南征賊平百姓遮道曰頭復借寇君一年封雍奴侯圖形雲臺 曾孫榮柏帝朝為侍中

野水橫舟

寇準字平仲八歲吟華山詩云只有天在上更魚山与齊其師謂準父曰賢郎恂不作宰相 秋風亭詩云野水无入渡孤舟 尽日橫時人以為必濟巨川 初試仕改知巴東縣手植双栢於庭至今以比其棠名萊公栢宋真宗朝大拜决策成澶淵之功 鎮大名府北使謂公曰相公重望何以不在中書公曰此門鎖鑰非準不可 魏野上詩云有官居鼎鼎無地起樓臺 公外奢内儉寢處一青幃二十年 貶雷州道出公安公剪竹挿神祠前祝之曰準若無負朝廷枯竹再生已而果生後喪还

過公安氏皆迎祭斬竹插地以掛紙錢後生笋成林邦人號相
公竹仁宗朝贈中書令封萊公謚忠愍詔李士孫抃
撰袖道碑御篆其首曰旌忠之碑以從子隨為後官至殿中
丞女妻王曙

○寇讚字奉國仕元魏為雍州刺史在郡十七年得公私之奢
進爵河南公孫雋北史

○寇雋字祖雋有識量好孝強記為梁州刺史立庠序勸耕
桑敦禮讓大統中拜秘書監

○寇泚唐開元中為宋州刺史玄宗至州宴從臣於樓上泚與
焉

○寇彥卿善騎射梁太祖賜所乘馬一丈烏曰真神將也

○寇瑊宋天聖中為三司使言監法不可數更帝然之

富

羽音秦郡

周大夫富辰之後

孤峯絕岸

富嘉謨文辭雅麗雄邁張說與徐堅論近世文章曰富嘉謨如
孤峯絕岸壁立万仞濃雲鬱興震雷俱發若施之廊廡則駭矣
仕唐為晉陽尉北京三傑見吳氏

洛社衣冠

富弼字彥國幼有大度范文正器之曰王佐才也 幸茂才異

宰 米慶曆中除資政殿學士使契丹往返十數言割地必不
可爭獻納二字北朝君臣敬憚之 在位薦王質王素余靖張

瓌石介吳奎韓維陳襄陳希亮等皆知名之士 洛陽耆英會
十三人 富公 文潞公 席汝言 王尚恭 趙南正

劉几 馮行已 楚建中 王不疑 王拱辰 張昌言
司馬公 張燾 富公年最高詩云西洛古帝都衣冠走集地

大尹吾舊相曠懷輕富貴云云 神宗朝大拜封鄭公進封韓公

年八十謚文忠 子紹庭紹宗紹隆 孫直柔

婚姻

富弼初名臯晏元獻求婚范文正曰公之女若嫁官人某不敢知必求國士無如富某者元獻妻之以宰相得宰相為衣冠盛事 出即氏聞見錄 言行錄所載不同見晏氏

○富直言遇事敢諫宋紹興中知樞密院事

○富元衡宋紹興中充宮教 遷宗正司

○以文為富 北阮富 彼以其富

寶

扶風

文帝相適有窮之難后紹方娠逃出自寶而生少康支孫以寶為氏 寶為積晉大夫

退讓君子

寶廣國字少君漢文皇后之弟少貧賤后新立与兄長君至長安自陳帝選有德行者与居由此為退讓君子不敢以富貴驕人 廣國賢有行帝欲得之曰恐天下以吾私廣國久念不可

封安豐侯 從子嬰

侯自我得

寶嬰字王孫景帝朝為詹事七國平嬰与有功封魏其侯喜賓客天下游士多歸之 後灌夫罵坐得罪嬰銳為救曰侯自我得之自我捐之無所恨竟受誅

拔起風塵

寶融字周公漢建武初帝賜玺書授涼州牧 入朝拜大司空論曰融以豪俠為名拔起風塵之中蟬蛻王侯之尊終膺卿相之位及爵位榮滿乃放遠權寵恂 又若不能者又何智也 長子穆尚主

勒功燕然

寶憲字伯度漢末元初拜車騎將軍出塞擊北單于戰於稽落山大破之登燕然山刻石勒功紀漢威德 封冠軍侯

東觀校書

竇章字伯向居貧蓬戶蔬食躬勤孝弟講讀不輟漢安帝朝
李者以東觀為道家蓬萊山大僕鄧康乃薦章入東觀為校書
郎

三君

竇武少以經行著稱漢建寧初錄尚書事士大夫以武與陳
蕃劉淑為三君又者言一世之所宗也

六儒

竇士榮隋開皇初上徵山東文孝之士馬光張仲讓孔胤張買
奴竇士榮劉祖仁並授大孝博士號六儒

書癡

竇威字文蔚有器局貫覽群書家世子弟喜武力威獨尚文諸
兄試為書癡與薛收等師王通北面受王佐之道

一門四相

竇威唐武德初為中書令姪抗為納言贈司徒姪孫德玄為左
相德玄子懷貞為侍中一門四相抗三子衍襲爵靜為氏
部尚書誕為宗正少卿贊曰高竇雖緣外戚姻家然自以
才猷結天子厠迹名臣垂榮無窮云竇宗自漢迄唐支曹扶
疏數百年所憑厚矣注云在漢再為戚元魏三皇后在周為
上柱國在隋為大傅在唐又為外戚高祖后

聯珠集

竇群唐德宗以處士徵為右拾遺二兄常年二弟庠輩擢進士
第為郎俱工詞章為聯珠集行於時義取若五星然輦與人言
如不出口號聶嚙翁

丹桂五枝

竇禹鈞五子儀儼侃偁僖五代末相繼登科時謂竇氏五龍

馮道詩云燕山竇十郎教子以義方靈椿一株老丹桂五枝香
儀字可象宋太祖朝自翰林遷端明 儼字望之通律曆自左
拾遺遷禮侍 侃起居郎 僖字日彰太宗朝參大政 僖右補闕
女德婚姻

竇毅在周為上柱國有女方數歲讀列女傳一過不忘聞隋祖
受周禪自投床下曰恨我非男子不能救舅家難毅掩口曰毋
妄言赤吾族毅嘗謂夫人曰此女有奇相不可妄與人昼二孔
雀於屏間請婚者射二矢陰約中目李淵最後射各中一目遂
以歸之後淵為唐高祖竇氏為后

姊妹烈行

竇伯女仲女京兆人唐末秦中賊剽二女將通以私行臨大谷
伯曰我豈受汙於賊自投崖下仲亦躍而至京兆尹第五琦表
其烈行詔旌門閭


○竇章女年十二能屬文漢順帝朝以才兒選入為貴人

○竇僂女妻丁謂 見丁氏 ○竇滔妻織回文錦 見蘇氏

○竇璠晚娶宇文弼之女方登第

○竇懷貞唐中宗朝為御史大夫歲除日帝宴群臣謂懷貞曰
卿喪妻欲繼室乎俄而宝扇障衛一翟衣者出乃衛后乳媪
莒國夫人也

○圭竇 大姓馬竇 不徑不竇

 羽音 蘭陟 或作謬或讀作繆

○後漢繆彤汝南人兄弟四人同財業及娶諸婦求分異彤乃
閉戶自擣諸婦謝罪更為敦睦之行 為中年令

○繆襲仕魏為散騎常侍 ○繆徵金谷廿四友 見潘谷

○繆瑜工詩劉石村詩話云余初筮仕江西有繆瑜袖詩來訪
調官一聯云有客去遊丞相宅無人來問孝廉船 有腔峒

集行世 為晉賢宰

救

漢有救又為諫議大夫

五十四關

五十六條附

關

商音 天水

邑名齊卿闕止之後

○闕澤字潤甫山陰人自幼好學博覽群籍通春秋曆數孝

廉除錢塘長

遷太子太傅

封鄉都侯

吳志

○闕駟字玄隆博通經傳拜為秘書

北史

○闕稜貌魁雄善用兩刃仕唐為越州都督

啖

唐書音徒濫切

○啖助字叔佐唐大曆間人淹該經術善為春秋考三家短長

○縫綻漏闕號集傳凡十年乃成

儒孝傳

念

○念賢金城抱罕人頗涉經史子華性和厚有長者風為合

州刺史

北史

辛集終

